

四庫全書

經部

欽定四庫全書

左傳杜林合注卷三十六

明 王道焜

趙如源 同編

昭公三

經

甲子

五年春王正月舍中軍

林襄十一年始立中軍至是舍之舍中軍從祀先公

皆善辭也非國史無以知舍中軍為季氏專魯從祀先公為陽虎專季氏也。舍音捨傳同。

○楚殺

其大夫屈申

書名罪之

○公如晉○夏莒牟夷以牟婁及防

茲來奔

杜城陽平昌縣西南有防亭姑幕縣東北有茲亭林牟婁防茲莒三邑。牟亡侯反。

○秋

七月公至自晉。戊辰，叔子帥師敗莒布于蚡泉。

蚡泉魯地

○蚡扶粉反

○秦伯卒

杜無傳不書名未同盟林景公卒子哀公卒

○冬，楚子蔡

侯陳侯許男頓子沈子徐人越人伐吳

林趙始見經而常壽過得稱人

越驪強也通吳以疲楚者晉謀之失也通越以困吳者楚謀之失也

傳五年春王正月舍中軍，辟公室也。

罷中軍季孫稱左師孟氏稱右師叔

孫氏則自以

毀中軍于施氏，成諸臧氏。

杜季孫不欲親其議勅二家會

諸大夫發毀置之計又取其令名。臧子郎反

初作中軍三分公室而各有其

一三家各有

季氏盡征之

無所入於公

叔孫氏臣其子弟

以父

兄歸公

孟氏取其半焉

復以子弟之半歸公

及其舍之也四分公室

季氏擇二

杜簡擇取二分

二子各一皆盡征之而貢于公

杜國人盡

屬三家三家隨時獻公而已

以書使杜洩告於殯

杜告叔孫之樞曰殯必力反

曰

子固欲毀中軍既毀之矣故告杜洩曰夫子唯不欲毀

也故盟諸僖閔詛諸五父之衢

昔在襄十一年詛側慮反

受其書

而投之

杜投擲也林受季孫之書而投棄之不以告

帥士而哭之

痛叔孫之見誣叔

仲子謂季孫曰

林叔仲子即叔仲帶受豎牛賂惡杜洩者

帶受命於子叔孫

曰葬鮮者自西門

不以壽終為鮮西門非魯朝正門。鮮音仙徐息淺反

季孫命

杜洩

杜命使從西門

杜洩曰卿喪自朝魯禮也

杜從生存朝親之正路

吾

子為國政未改禮而又遷之

林吾子謂季孫為魯國之政未改典禮而又遷易其

法

羣臣懼死不敢自也

自從也

既葬而行

杜善杜洩能辟禍

仲至

自齊

林仲壬聞父喪而來

季孫欲立之南遺曰叔孫氏厚則季氏

薄彼實家亂子勿與知不亦可乎南遺使國人助豎牛

以攻諸大庫之庭

攻仲壬也魯城內有大庭氏之虛於其上作庫。與音預

司宮射

之中目而死豎牛取東鄙三十邑以與南遺

杜取叔孫氏邑。射

食亦反中

丁仲反

昭子即位朝其家衆曰豎牛禍叔孫氏使亂

大從

杜使從於亂林使亂大和順之道。從如字

殺適立庶又披其邑將以

赦罪

披折也謂以邑與南遺昭子不知豎牛餓殺其父故但言其見罪。適丁歷反披普皮反

罪莫

大焉必速殺之豎牛懼奔齊孟仲之子

林孟丙仲壬之子

殺諸

塞關之外

杜齊魯界上關塞悉代反

投其首于寧風之棘上

寧風齊地

仲尼曰叔孫昭子之不勞不可能也

杜不以立己為功勞據其所言善之

時魯人不可以餓死語昭子

周任有言曰為政者不賞私勞不罰私怨

詩云有覺德行四國順之

杜詩大雅覺直也言德行直則四方順從之。任音壬行

下孟反

初穆子之生也莊叔以周易筮之

杜莊叔穆子父得臣也

遇

明夷三三

離下坤上明夷

之謙三三

艮下坤上謙明夷初九變為謙

以示卜楚

丘

杜楚丘卜人姓名

曰是將行

林此子主先出奔

而歸為子祀

杜奉祭祀

以

讒人入其名曰牛卒以餒死明夷日也

林離為日明入地中故為夷傷

日之數十

杜申至癸

故有十時亦當十位

日中當王食時當公平旦為卿鷄鳴

為士夜半為皂人定為輿黃昏為隸日入為僚脯時為僕日昃為臺隅中日出闕不在第尊王公曠其位自

王以下其二為公其三為卿

林王天子也天子至尊故居盛位公諸侯降於天子

故其位居於第二卿大夫也降於諸侯故其位居於第三

日上其中

杜日中盛明故以當王

食

日為二位

杜公

旦日為三位

杜卿

明夷之謙明而未融其當

旦乎

杜融朗也離在坤下日在地中之象又變為謙謙道卑退故曰明而未融日明未融故曰其當旦乎

故曰為子祀

杜莊叔卿也卜豹為卿故知為子祀

日之謙當鳥故曰明夷

于飛

杜離為日為鳥離變為謙日光不足故當鳥鳥飛行故曰于飛

明而未融故曰垂

其翼

於日為未融於鳥為垂翼

象日之動

林日動物也雖有夷傷其動不爽君子象之

故

曰君子于行

明夷初九得位有應君子象也在明傷之世居謙下之位故將辟難而行

當三

在旦故曰三日不食

旦位在三又非食時故曰三日不食

離火也艮山也

離為火火焚山山敗

林離屬南方故為火離變為艮為火焚山火焚山則草木焦枯山敗

可知於人為言

艮為言

敗言為讒

杜為離所焚故言敗

故曰有攸往主

人有言言必讒也

杜離變為艮故言有所往往而見燒故主人有言言而見敗故必讒言

純離為牛

杜易離上離下離畜牝牛吉故言純離為牛

世亂讒勝勝將適離

故曰其名曰牛

杜離焚山則離勝譬世亂則讒勝山焚則離獨存故知名牛也豎牛非牝牛故

不吉謙不足飛不翔

杜謙道沖退故飛不遠翔

垂不峻翼不廣

杜峻高也翼垂

下故不能廣遠

故曰其為子後乎

杜不遠翔故知不遠去

吾子亞卿也抑

少不終

杜旦日正卿之位莊叔父子世為亞卿位不足以終盡卦體蓋引而致之

○楚子以

屈申為貳於吳乃殺之

杜造生貳心

以屈生為莫敖

杜生屈建子

使與令尹子蕩如晉逆女

林子蕩即蕩罷

過鄭鄭伯勞子蕩于

汜勞屈生于菟氏

林汜菟氏皆鄭地所以別勞二使者盡敬也。過古未反勞力報反後皆

同記扶嚴反

菟大胡反

晉侯送女于邢丘子產相鄭伯會晉侯于

邢丘

杜傳言楚強諸侯畏敬其使。相息亮反

○公如晉

即位而往見

自郊勞至

于贈賄

杜來有郊勞去有贈賄

無失禮

杜揖讓之禮

晉侯謂女叔齊曰

林女

叔齊即司馬侯。女音汝

魯侯不亦善于禮乎對曰魯侯焉知禮公

曰何為自郊勞至于贈賄禮無違者何故不知對曰是

儀也不可謂禮

林言揖讓進退此儀文也不可謂之禮經。焉於虔反

禮所以守

其國行其政令無失其民者也今政令在家

林在大夫不能

取也有子家羈弗能用也

杜羈莊公玄孫懿伯也林此言昭公不知禮無以守其國

家。羈居宜反

奸大國之盟

林奸犯元年會虢之盟

陵虐小國

謂伐莒取鄆利

人之難

杜謂往年莒亂而取鄆。難乃旦反下同

不知其私

杜不自知有私難林此言昭公

不知禮無以行其政令

公室四分民食於他

他謂三家也言魯君與民無異

思莫

在公不圖其終

杜無為公謀終始者林此言昭公不知禮盡失其民。思怠吏反謂羣臣慮也

又如字

為國君難將及身不恤其所禮之本末將於此乎

在

在恤民與憂國

而屑屑焉習儀以亟

杜言以習儀為急。屑先結反亟紀力反

言

善於禮不亦遠乎君子謂叔侯於是乎知禮

杜時晉侯亦失政叔

齊以此
諷諫

○晉韓宣子如楚送女叔向為介鄭子皮子大

叔勞諸索氏

杜河南城皋縣東有大索城。大音泰索悉洛反。

大叔謂叔向曰

楚王汰侈已甚子其戒之叔向曰汰侈已甚身之災也

焉能及人若奉吾幣帛慎吾威儀守之以信行之以禮

敬始而思終終無不復

林事雖已終皆可復行。焉於虔反。

從而失儀

杜從順也

敬而不失威道之以訓辭奉之以舊法

林先王訓辭道之以

通其意奉使舊法

考之以先王

杜以先王之禮成其好

度之以二

國

虔晉楚之勢而行

雖汰侈若我何及楚楚子朝其大

夫曰晉君仇敵也苟得志焉無恤其他今其來者上卿

上大夫也若吾以韓起為閹

杜刑足使守門。閹音昏

以羊舌肸為

司宮

杜加宮刑。肸許乙反

足以辱晉吾亦得志矣可乎大夫莫

對蘧啓疆曰可苟有其備何故不可恥匹夫不可以無

備況恥國乎是以聖王務行禮不求恥人朝聘有珪林

聘之禮皆以珪為信上公圭九寸聘珪八寸侯伯珪七寸聘珪六寸子男琮璧五寸聘璧四寸臣降於君一等

也享頻有璋

林享頻服云獻也以為獻國所有杜云享也以為既朝聘而享享頻見也其義皆通

有璋執璋以行禮也。規他帛反徐他彫反

小有述職

林諸侯適天子曰述職述所治國之功職

也大有巡功

林天子巡守曰巡功巡所守之功績也

設機而不倚爵盈而

不飲

林朝聘之禮有設機進爵之時朝禮雖亡而聘禮有其畧也聘義曰聘射之禮至大禮也質明而始

行事日幾中而後禮成非強有力者弗能行也故設機而不倚酒清人渴而不敢飲肉敗人餒而不敢食故爵盈而不飲杜言務行禮○机音几

宴有好貨

宴飲以貨為好衣服車馬在容所無○好呼報反

殮有陪鼎

熟食為殮陪加也加鼎所以厚殷勤○殮音孫

入有郊勞

賓至逆勞之於郊

出有贈賄

杜去則贈之以貨賄

禮之至也國家之敗失之道也則

禍亂興

杜失朝聘要好之道

城濮之役

在僖二十八年

晉無楚備以敗於

邲

在宣十二年言兵禍始於城濮○邲皮必反

邲之役楚無晉備以敗於邲

在成十六年。鄢於曉反自鄢以來晉不失備而加之以禮重之以

睦杜君臣和也。重直用反是以楚弗能報而求親焉既獲姻親又

欲恥之以召寇讐備之若何杜言何以為備誰其重此杜重怨也若

有其人恥之可也杜謂有賢人以敵晉則可恥之若其未有君亦圖之

晉之事君臣曰可矣求諸侯而麋至杜麋羣也。麋丘隕反又其隕反

求昏而薦女杜薦進也君親送之林晉平公親送女至于邢丘上卿及上

大夫致之猶欲恥之君其亦有備矣不然奈何韓起之

下趙成中行吳魏舒范鞅知盈杜五卿位在韓起之下皆三軍之將佐也成趙

武之子吳荀偃之子。行戶郎反。鞅於丈反。知音智。羊舌肸之下祁午張趯籍談

女齊梁丙張骼輔躒苗賁皇皆諸侯之選也。杜言非凡人。趙他

歷反。骼古百反。或音各。躒力狄反。音各反。賁扶云反。一音悉。變反。韓襄為公族大夫韓

須受命而使矣。襄韓無忌子也。為公族大夫須起之。箕門子年雖幼已任出使。使所吏反。

襄邢帶叔禽叔椒子羽皆大家也。韓賦七邑。林韓襄起之。兄子箕

襄邢帶二人韓氏族。韓須叔禽叔椒子羽四人皆韓起子。凡七人入一邑。皆成縣也。杜成縣賦百乘

也。羊舌四族皆彊家也。銅鞮伯華叔向叔魚叔虎兄弟四人。晉人若喪韓

起楊肸五卿八大夫。五卿趙成以下八大夫祁午以下喪息浪反。叔向季羊舌氏食采。

於於楊故

又號楊於

輔韓須揚石

石叔向子
食我也

因其十家九縣

杜韓氏七

羊舌氏四

而言十家

舉大數也

長穀七百

長穀戎車
也縣百乘

其

羊舌四家

其二縣故

但言疆家

長穀七百

也縣百乘

其

餘四十縣遺守四千

計遺守國者尚有四
千乘。遺唯季反

奮其武怒以

報其大恥伯華謀之

杜伯華
叔向兄

中行伯魏舒帥之

杜伯中
行吳

其蔑不濟矣君將以親易怨

杜失婚
姻之親

實無禮以速寇而

未有其備使羣臣往遺之禽

林使楚之羣臣
往遺晉之禽獲

以逞君心

何不可之有

林反說何有不可
言其甚不可也

王曰不穀之過也大夫

無辱

杜謝遠
啓疆

厚為韓子禮王欲教叔向以其所不知而

不能

言叔向之多知。教五報反所不知絕句

亦厚其禮韓起反鄭伯勞諸

圍

圍鄭地名

辭不敢見禮也

杜奉使君命未反故。見賢適反

○鄭罕虎如

齊娶於子尾氏

杜自為逆也

晏子驟見之陳桓子問其故對

曰能用善人民之主也

杜謂授子產政

○夏莒牟夷以牟婁及

防茲來奔牟夷非卿而書尊地也

尊重也重地故書以名其人終為不義

莒人懇于晉

杜懇魯受牟夷懇悉路反

晉侯欲止公范獻子曰不

可人朝而執之誘也討不以師而誘以成之情也為盟

主而犯此二者無乃不可乎請歸之閒而以師討之

杜閒

暇也。間音
閑又如字

乃歸公秋七月公至自晉莒人來討

杜討受牽

夷

不設備

林莒人不設
攻戰之備

戊辰叔牙敗諸蚡泉莒未陳也

嫌君臣異故重發

例。陳直觀反

○冬十月楚子以諸侯及東夷伐吳

以報棘櫟麻之役

役在四年

遂射以繁揚之師會于夏汭

林

射楚大夫杜會楚子。

射食夜反又食亦反

越大夫常壽過帥師會楚子于

瑣

瑣楚地。過古禾反

聞吳師出遂啓疆帥師從之

杜從吳師也

遽不

設備吳人敗諸鵲岸

廬江舒縣有鵲尾
渚。遽其據反

楚子以駟至于

羅汭

杜駟傳也羅水
名。駟人實反

吳子使其弟蹇由犒師

杜犒勞。蹇居衛反

犒報反苦楚人執之將以釁鼓王使問焉曰女卜來吉乎對

曰吉寡君聞君將治兵於敝邑卜之以守龜

林卜之以守國之龜

。女音汝守手又反下同曰余亟使人犒師請行以觀王怒之疾徐

而為之備尚克知之

林言我急使人往勞楚師以觀楚王忿怒之緩急而為之戰守之備

庶幾能知其意言吳卜龜如此。亟紀力反

龜兆告吉曰克可知也

林卜龜之辭止

此君若驩焉好逆使臣茲敝邑休怠

杜休解也。好呼報反使所吏反下

並而忘其死亡無日矣今君奮焉震電馮怒

杜馮盛也林奮發盛

怒如雷震電製馮皮水反

虐執使臣將以釁鼓則吳知所備矣敝

邑雖羸若早修完

杜完器械。羸力危反。

其可以息師

杜息興之師

難

易有備

林度事勢之難易而有其備。易以鼓反。

可謂吉矣且吳社稷是卜

豈為一人使臣獲覺軍鼓而敝邑知備以禦不虞其為

吉孰大焉國之守龜其何事不卜

言常卜。豈為于偽反。

一臧一

否其誰能常之

林不可必其常吉。否悲矣反。舊方育反。

城濮之兆其報在

邲

杜城濮戰楚卜。吉其效乃在邲。

今此行也其庸有報志

杜言吳有報楚意。

乃

弗殺楚師濟於羅汭沈尹赤會楚子

林沈尹赤楚大夫。

次於萊

山遂射帥繁揚之師先入南懷楚師從之及汝清

杜南懷汝。

清皆楚界

吳不可入

杜有備

楚子遂觀兵於坻箕之山

杜觀示也。坻

直夷反

是行也。吳早設備。楚無功而還。以蹶由歸。楚子懼。

吳使沈尹射待命于巢。蘧啓疆待命于雩婁禮也。

杜善有備

雩音于徐泥于反。婁力侯反。徐力俱反。

○秦后子復歸于秦。

杜元年奔晉

景公

卒故也。

終五稔之言

經乙丑六年春王正月杞伯益姑卒。

杜再同盟林文公卒平公立

○葬

秦景公。○夏季孫宿如晉。○葬杞文公。

無傳

○宋華合比

出奔衛。

杜合比事君不以道自取。奔亡書名罪之。華戶化反。比如字。又昆志反。

○秋九月

大雩。○楚薳罷帥師伐吳。

罷音皮。

○冬叔弓如楚。○齊侯

伐北燕。

傳六年春王正月杞文公卒弔如同盟禮也。

杜魯怨杞國晉取其

田而今不廢喪紀故禮之。

大夫如秦葬景公禮也。

合先王士弔大夫送葬之禮。

○

二月鄭人鑄刑書。

鑄刑書於鼎以爲國之常法。

叔向使詒子產書。

杜詒

遺也。詒以之反。

曰始吾有虞於子。

虞度也言準度子產以爲己法。

今則已矣。

已止也。

昔先王議事以制不爲刑辟懼民之有爭心也。

杜臨

事制刑不豫設法也法豫設則民知爭端。辟婢亦反下皆同。

猶不可禁禦是故閑之。

以義糾之以政行之以禮守之以信奉之以仁

林防閑以義使

得其宜糾舉以政使莫不正施行以禮使莫不敬諱守以信使莫不實奉養之以仁心使若民若物各得其所

制為祿位以勸其從

杜勸從教

嚴斷刑罰以威其淫

杜淫放也。斷

丁亂反下同

懼其未也

林懼其未盡治民之道

故誨之以忠聳之以行

杜聳懼也。聳息勇反行下孟反

教之以務

杜時所急

使之以和

杜說以使民

臨

之以敬涖之以彊

施之於事為涖。涖音利又音類

斷之以剛

杜義斷恩

猶

求聖哲之上明察之官

上公王也官卿大夫也

忠信之長慈惠之

師民於是乎可任使也而不生禍亂

林禮義洋溢禍亂消弭。長丁丈反

民知有辟則不忌於上

權移於法故民不畏上

並有爭心以徵於

書而徵幸以成之

杜因危文以生爭緣徵幸以成其巧偽。徵古堯反巧如字又苦孝反

弗可為矣

杜如此則有罪者或至幸免無罪者或墜飛文民不可得以治也

夏有亂政

而作禹刑商有亂政而作湯刑

杜夏商之亂著禹湯之法言不能議事以制

周有亂政而作九刑

杜周之衰亦為刑書謂之九刑林按書呂刑周穆王享國百年老荒

度作刑以告四方恐即此也

三辟之興皆叔世也

杜言刑書不起于始盛之世

今

吾子相鄭國作封洫

在襄三十年相息亮反

立謗政

杜作丘賦在四年

制

參辟鑄刑書

杜制參辟謂用三代之末法。參七南反一音三

將以靖民不亦

難乎詩曰儀式刑文王之德日靖四方

杜詩頌言文王以德為儀式故

能日有安靖四方之功刑法也

又曰儀刑文王萬邦作孚

杜詩大雅言文王作儀法

為天下所信孚信也

如是何辟之有

杜言詩唯以德興信不以刑也

民知爭端矣

將棄禮而徵於書

杜以刑書為徵

錐刀之末將盡爭之

杜錐刀末喻小

事

亂獄滋豐賄賂並行

杜或以賄賂文致人罪或以賄賂幸脫刑辟

終子之

世鄭其敗乎矜聞之國將亡必多制

杜數改法

其此之謂乎

復書曰若吾子之言

杜復報也

僑不才不能及子孫吾以救

世也既不承命敢忘大惠

杜言我無才能不能為後世子孫慮吾以救當世之弊也

既不能承順教命改其所為敢忘叔向箴戒之大惠

士文伯曰火見鄭其火乎

火心

星也周五月昏見○見賢通反

火未出而作火以鑄刑器

刑器鼎也

藏爭辟

焉

林藏爭罪之法也

火如象之不火何為

杜象類也同氣相求火未出而用火相感

而致災

○夏季孫宿如晉拜莒田也

謝前年受年夷邑不見討

晉侯享

之有加籩

籩豆之數多于常禮

武子退使行人告曰小國之事大

國也苟免於討不敢求貺

杜貺賜也

得貺不過三獻

周禮大夫三獻

今豆有加下臣弗堪

林下臣季武子自謂言弗能當此貺賜

無乃戾也

杜懼

以不堪為罪

韓宣子曰寡君以為驩也

杜以加禮致驩心○驩音歡

對曰

寡君猶未敢

杜未敢當此加也

況下臣君之諫也敢聞加貺固

請徹加而後卒事晉人以為知禮重其好貨

杜晏好之貨。好呼

報反

○宋寺人柳有寵

杜有寵於平公。柳良久反寺人名。

太子佐惡之華

合比曰我殺之

杜欲以求媚大子。惡鳥路反。

柳聞之乃坎用牲埋書

林掘地為坎用牲埋盟書詐為盟處

而告公曰合比將納亡人之族

亡人華臣

也襄十七年奔衛

既盟于北郭矣公使視之有焉遂逐華合比

合比犇衛于是華亥欲代右師

杜亥合比弟欲得合比處

乃與寺人

柳比從為之徵曰聞之久矣

杜聞合比欲納華臣。比昆志反。

公使代

之代合比見於左師杜左師向戌。見左師曰女夫也

必亡

杜夫謂華亥。女音汝下同。夫子反。

女喪而宗室於人何有人亦

於女何有

杜言合比與汝同宗汝忍喪而亡之所厚者薄無所不薄且何有於他人出乎爾者反乎

爾者也。故。人亦不能。有。愛於汝。喪息浪反。

詩曰宗子維城母俾城壞母獨

斯畏

杜詩大雅林言宗子之固若城母使宗室衰落若城之有墜壞城壞則藩屏皆壞獨居則親戚叛之

可畏者至矣

女其畏哉

為二十年華亥出奔傳

○六月丙戌鄭災

終士文伯

言之○楚公子棄疾如晉報韓子也

報前年送女

過鄭鄭罕虎公

孫僑游吉從鄭伯以勞諸祖辭不敢見

杜不敢當國君之勞祖鄭

地。過古臥反又古禾反從才用反或如字
固請見之
勞力報反下同相酬加反見賢通反下同

見如見王

見鄭伯如見楚王言棄疾共而有禮

以其乘馬八匹私面

私見鄭伯

。乘繩
證反

見子皮如上卿

如見楚卿

以馬六匹見子產以馬四

匹見子大叔以馬二匹

降殺以兩

禁芻牧採樵

林禁止芻牧牛羊者採樵

供焚者

不入田

不犯田種

不樵樹不采蕪

林不伐嘉樹為樵不採蕪種為芻

不

抽屋不強句誓曰有犯命者君子廢小人降

君子則廢然不得居

位小人則退給下刺也。強其又反又其良反句音蓋乞也

舍不為暴主不恩賓

杜思

患也林其所舍止不為暴虐主人不以賓客為患。思戶困反

往來如是鄭三卿皆知

其將為王也

林三卿罕虎公孫僑游吉皆知素疾將為楚王以其愛人也

韓宣子之

適楚也

林前年如楚致女

楚人弗逆公子棄疾及晉竟晉侯將

亦弗逆叔向曰楚辟我衷

杜辟邪也衷正也。竟音境辟匹亦反下同衷音忠

若

何效辟詩曰爾之教矣民胥效矣

杜詩小雅言上教下效

從我而

已焉用效人之辟書曰聖作則

杜逸書則法也焉於虔反

無寧以

善人為則

無寧寧也

而則人之辟乎匹夫為善民猶則之况

國君乎晉侯說乃逆之

傳言叔向知禮。說音悅

○秋九月大雩旱

也。徐儀楚聘于楚

儀楚徐大夫

楚子執之逃歸懼其叛也

使蘧洩伐徐

蘧洩楚大夫。洩息列反。

吳人救之。令尹子蕩帥師伐

吳師于豫章而次于乾谿

杜乾谿在樵國城。父縣南楚東竟。

吳人敗其

師于房鍾

房鍾吳地。

獲宮廄尹棄疾

林闕韋龜之父。非公子棄疾也。廄九又反。

子蕩歸罪於蘧洩而殺之

林歸罪於蘧洩以其始禍伐徐也。杜不以敗告故不書。

○冬叔弓如楚且弔敗也

杜弔為吳所敗。

○十一月齊侯如晉

請伐北燕也

告盟主。

士匄相士鞅逆諸河禮也

林士匄即士文伯杜。

士匄晉大夫相為介得敬逆來者之禮。相息亮反。鞅於文反。

晉侯許之。十二月齊侯

遂伐北燕將納簡公

杜簡公北燕伯三年出奔齊。

晏子曰不入

林言北燕。

簡公不
得入國

燕有君矣民不貳吾君賄左右諂諛作大事不

以信未嘗可也

為明年暨齊平傳。諂救檢反諛羊朱反。

經

丙寅

七年春王正月暨齊平

杜豎與也燕與齊平前年冬齊伐燕間無異事故不

重言燕從可知林平不書必關天下之大故而後書是故昭定而下春秋多罪齊書伐衛遂伐晉同圍齊襲莒暨齊平盟平鹹次于伍氏皆特筆也夫子曰齊景公有馬千駟死之日民無得而稱焉蓋不予齊也。暨其器

反傳

同

○三月公如楚○叔孫婁如齊蒞盟

無傳公將遠適楚故叔孫

如齊尋舊好。婁救畧反。

○夏四月甲辰朔日有食之○秋八月戊

辰衛侯惡卒

杜元年大夫盟于驪林。襄公卒子靈公元立。

○九月公至自楚

○冬十有一月癸未季孫宿卒。十有二月癸亥葬衛襄公。

傳七年春王正月暨齊平齊求之也。

齊伐燕燕人賂之反從求平如晏子

言

癸巳齊侯次于號

號燕竟。號瓜百反。

燕人行成曰敝邑知皐

敢不聽命先君之敝器請以謝皐

敝器瑤璆玉櫝之屬

公孫皙曰

受服而退俟釁而動可也

杜皙齊大夫林燕人已服始受而退俟燕釁隙而後再動

其亦可也。皙星歷反。

二月戊午盟于濡上

杜濡水出高陽縣東

徐思益反釁許覲反

北至河間鄭縣入易水

燕人歸燕姬

杜嫁女與齊侯

賂以瑤璆

濡音須又女子反

玉櫝尊耳

瑤玉也。櫝，匱也。尊耳，玉爵。尊，古雅反。一音嫁。禮記夏曰：醴，殷曰：尊。周曰：爵。

不克

而還

林不克納。商公而歸。

○楚子之為令尹也，為王旌以田

析羽為旌。

王旌游至於軫。

茅尹無字，斲之

林斲子園之旌。○茅于付反。斲，音短。

曰：一國兩君

其誰堪之？及即位，為章華之宮，納亡人以實之

杜章華南郡華。

客無字之閭入焉

有罪亡入章華宮。

無字執之，有司弗與

杜王有司。

也曰：執人於王宮，其罪大矣。執而謁諸王

林執無字也。杜謁告也。

王將飲酒

遇其歡也。

無字辭曰：天子經畧

杜經營天下畧有四海故曰經畧。

諸侯正封

杜封疆有定分。

古之制也。封略之內，何非君土？食土

之毛誰非君臣

杜毛草也林君者天子諸侯之總名

故詩曰普天之下莫

非王土率土之濱莫非王臣

杜詩小雅濱涯也

天有十日

杜甲至癸

人有十等

杜天至臺

下所以事上上所以共神也故王臣公

林臣者服屬之以為臣也下皆同。共音恭

公臣大夫大夫臣士士臣阜阜

臣與與臣隸隸臣僚僚臣僕僕臣臺

林士謂能理庶事卓謂造成事也與

衆也謂佐卑舉衆事也隸謂隸屬於吏也僚勞也謂供勞事也僕僕豎主藏者也臺給臺下廝役所謂人之十等

馬有圉牛有牧

養馬曰圉養牛曰牧

以待百事今有司曰女胡

執人於王宮將焉執之

林如此則將安所執其逃亡之臣。女音汝焉於虞反

周

文王之法曰有亡荒閱

荒大也閱蒐也亡人當大蒐其衆

所以得天下

也吾先君文王

杜楚文王

作僕區之法

僕區刑書名。區爲後反徐如字服云僕

隱也區匿也爲隱

匿亡人之法也

曰盜所隱器

杜隱盜所得器

與盜同罪所以

封汝也

杜行善法故能啓疆北至汝水

若從有司是無所執逃臣也逃

而舍之是無陪臺也王事毋乃闕乎

林臣僕逃亡而遂舍止之則皆將相

帥而逃亡是無陪臺之臣也國家之事無乃有所廢闕乎

昔武王數紂之辜以告諸

侯曰紂爲天下逋逃主萃淵藪

杜萃聚也天下逋逃悉以紂爲淵藪集而歸之

林亡人歸紂如魚集於深淵默集于大藪也。數色具反又色主反逋布吳反藪素口反

故夫致死

焉

杜人欲致死討討。夫音扶又方于反

君主始求諸侯而則紂無乃不

可乎若以二文之法取之盜有所在矣

林言王亦為盜

王曰取

而臣以往

林言取汝之臣闖入以去

盜有寵未可得也

林盜有寵靈王戲言若以

二文之法指我為盜則我方有寵于君未可得而取也杜為葬靈王張本

遂赦之

杜赦無字

○楚

子成章華之臺願與諸侯落之

杜宮室始成祭之為落臺今在華容城內

大

宰蘧啓疆曰臣能得魯侯蘧啓疆來召公辭曰昔先君

成公命我先大夫嬰齊

林嬰齊楚令尹子重也

曰吾不忘先君之

好將使衛父照臨楚國

林成二年魯使公衛為質於楚以請盟故言照臨楚國。好呼

報反鎮撫其社稷以輯寧爾民嬰齊受命于蜀

杜蜀盟在成二年。

輯音

集

奉承以來弗敢失隕而致諸宗桃

林言奉成公此語以告宗廟。

桃他

彫反

曰我先君共王引領北望

林楚居南方故引領北望中原。共音恭

日月以冀

杜冀魯朝

傳序相授於今四王矣

杜四王共康桓教及靈王。傳

直事

反

嘉惠未至唯襄公之辱臨我喪

杜襄公二十八年如楚臨康王喪

孤與其二三臣悼心失圖

林哀感之中其心傷悼失所圖謀杜在哀喪故

社稷

之不皇況能懷思君德

杜皇暇也言有大喪多不暇

今君若步玉趾

辱見寡君

趾足也

寵靈楚國以信蜀之役

林以示于蜀之言有信

致

君之嘉惠是寡君既受貺矣何蜀之敢望

杜言但欲使君來不敢望

如蜀復有質子

其先君鬼神實嘉賴之豈唯寡君君若不來使

臣請問行期

問魯見伐之期使所吏反

寡君將承質幣而見于蜀

以請先君之貺

杜請問也以問成公所賜何不踐言。質音至徐之二反又如字見賢通反

公將往夢襄公祖

杜祖祭道神

梓慎曰君不果行襄公之適

楚也夢周公祖而行今襄公實祖君其不行子服惠伯

曰行先君未嘗適楚故周公祖以道之

林先君謂襄公道音導下同

襄公適楚矣而祖以道君不行何之

林之去也

三月公如楚

鄭伯勞于師之梁

杜鄭城門。勞力報反下同

孟僖子為介不能相

儀

杜僖子仲孫纁。相息亮反

及楚不能答郊勞

為下僖子病不能相禮張本

○

夏四月甲辰朔日有食之晉侯問于士文伯曰誰將當

日食對曰魯衛惡之

杜受其凶惡。惡如字

衛大魯小公曰何故

對曰去衛地如魯地

杜衛地承韋也魯地降婁也日食於承韋之末及降婁之始乃息故

禍在衛大在魯小也周四月今二月故日在降婁

於是有災魯實受之

杜災發於衛而

魯受其餘禍

其大咎其衛君乎魯將上卿

林其衛君實當此咎魯將上卿當之

杜八月衛侯卒十一月季孫宿卒

公曰詩所謂彼日而食于何不臧者

何也

杜感日食而問詩

對曰不善政之謂也國無政不用善則

自取謫于日月之災

林言所謂不臧者不善政之所感名也國無善政不能信用善人則

自取言謫于天而有日月薄食之災。謫直革反

故政不可不慎也務三而已

一曰擇人

杜擇賢人

二曰因民

因民所利而利之

三曰從時

杜順四時之所

務

○晉人來治杞田

前女叔侯不盡歸今公適楚晉人恨故復來治杞田

季孫將

以成與之

成孟氏邑本杞田

謝息為孟孫守不可

杜謝息僖子家臣。為于

偽反守手

又反下同 曰人有言曰雖有挈餅之知守不假器禮也

杜挈餅汲者喻小知為人守器猶知不以借人。挈苦結反餅蒲丁反知音智

夫子從君而守

臣喪邑

夫子謂孟僖子從公如楚。喪急浪反。

雖吾子亦有猜焉

杜言季孫亦將

疑我不忠。

猜才反

季孫曰君之在楚於晉罪也

言晉罪君之至楚

又

不聽晉魯罪重矣晉師必至吾無以待之不如與之間

晉而取諸杞

候晉問隙可復伐杞取之。間如字

吾與子桃

杜晉國汴縣東南有桃虛

成反誰敢有之是得二成也

林他日取成而歸必復歸之孟氏誰敢有此成邑是

孟氏得桃并成爲二也

魯無憂而孟孫益邑子何病焉辭以無山

林謝息又辭以爲桃邑無山

與之萊柞

杜萊柞二山。柞子洛反又音昨

乃遷于桃

杜謝息逃也

晉人爲杞取成

不書非公命

○楚子享公于新臺

杜章

華臺

使長鬣者相

鬣鬣也欲先夸魯侯也鬣力輒反相息亮反

好以大屈

杜晏

好之賜大屈弓名。好呼報反屈居勿反大屈賈云良金可以為劍出大屈也

既而悔之遂啓

疆聞之見公公語之

林昭公以所賜告之見賢通反語魚據反

拜賀公曰

何賀對曰齊與晉越欲此久矣寡君無適與也而傳諸

君君其備禦三鄰

言齊晉越將伐魯而取之適丁歷反傳直專反

慎守寶矣

敢不賀乎公懼乃反之

杜傳言楚靈不信所以不終

○鄭子產聘于

晉晉侯有疾韓宣子逆客

林逆迎也客謂子產

私焉

杜私語

曰寡君

寢疾於今三月矣並走羣望

晉所望祀山川皆走往祈禱

有加而無

瘳

林病勢有加
增無瘳減

今夢黃熊入于寢門其何厲鬼也對曰

以君之明子為大政其何厲之有昔堯殛鯀鯀子羽山

羽山

在東海祝其縣西南。瘳救留反熊音雄獸名亦作能
三足鼈也解者云獸非入水之物故是鼈也案說文及
字林皆云能熊屬足似
鹿強紀力反蘇古本反其神化為黃熊以入于羽淵實

為夏郊三代祀之

蘇禹父夏家郊祭之歷殷周二
代又通在羣臣之數非見祀

晉為

盟主其或者未之祀也乎

言周衰晉為盟主
得佐天子祀羣神

韓子祀夏

郊紀晉侯有間

也問差

賜子產莒之二方鼎

方鼎莒
所貢

子產

為豐施歸州田於韓宣子

林豐施鄭公孫段之子三年
晉以州田賜段今段卒故子

產歸之於晉。為于
偽反下為初言同

曰日君以夫公孫段為能任其事

而賜之州田今無祿早世不獲久享君德其子弗敢有

不敢以聞於君私致諸子

此年正月公孫段卒。夫音扶任音壬下同

宣子

辭子產曰古人有言曰其父析薪其子弗克負荷

林言其父

析木而為薪其子不能背負肩荷以歸其家荷擔也以微薄喻貴重。荷何可反又音河

施將懼不

能任其先人之祿其況能任大國之賜縱吾子為政而

可後之人若屬有疆場之言敝邑獲戾

杜恐後代宣子者將以鄭取晉

邑罪鄭。屬音燭疆居良反場音亦

而豐氏受其大討

林豐施之家遽有此邑必受大討

吾子取州是免敝邑於戾而建置豐氏也敢以為請

杜傳

言子產貞而不諂

宣子受之以告晉侯晉侯以與宣子宣子為

初言

初言謂與趙天子爭州田

病有之

林以有取州田為己病

以易原縣於樂

大心

林樂大心宋大夫原晉邑以賜樂大心

○鄭人相驚以伯有曰伯有

至矣則皆走不知所往

杜襄三十年鄭人殺伯有言其鬼至

鑄刑書之歲

二月

在前年

或夢伯有介而行

杜介曰甲也

林此曰字以下至又將殺段也皆夢

伯有言

壬子余將殺帶也

杜駟帶助子皙殺伯有壬子六年三月三日

明年壬

寅余又將殺段也

杜公孫段豐氏黨人壬寅此年正月二十八日

及壬子駟帶

卒國人益懼齊燕平之月

杜此年正月

壬寅公孫段卒國人

愈懼其明月子產立公孫洩及良止以撫之乃止

杜公孫洩

子孔之子也襄十九年鄭殺子孔良止伯有子也立以為大夫使有宗廟洩怠列反

子大叔問

其故子產曰鬼有所歸乃不為厲吾為之歸也

林言鬼有宗廟

則得其所鬼乃不為惡厲以害於民我立二人使有宗廟以為之依歸也

太叔曰公孫洩何

為杜子孔不為厲問何為復立洩

子產曰說也為身無義而圖說

伯有無義

以妖鬼故立之恐惑民并立洩使若自以大義存誅絕之後者以解悅民心說如字徐始銳反

從政

有所反之以取媚也

杜民不可使知之故治政或當反道以求媚於民

不媚不

信

林說而從信之民苟不說不信之招也

不信民不從也

林信而後從其言民苟不信不

從之

及子產適晉趙景子問焉

景子晉中軍佐趙成

曰伯有猶能

為鬼乎子產曰能人生始化曰魄

林魄形也始化為形其神形曰魄此有生

之初也。魄普白反

既生魄陽曰魂

林魄屬靜主靜至靜生動陽也魄陽為氣其神氣曰魂此

既生之後也

用物精多則魂魄彊

杜物權勢林居移氣故魂彊養移體故魄彊

是

以有精爽至於神明

杜爽明也林精者神之未著爽者神之未融是以積精而至於神積

爽而至於明

匹夫匹婦彊死其魂魄猶能馮依於人以為淫

厲

杜彊死不病也人謂匹夫匹婦賤身。彊其丈反馮皮水反下同

況良霄我先君穆

公之胄子良之孫子耳之子敝邑之卿從政三世矣

林去

疾輒良霄三

鄭雖無腆

杜腆厚也。腆他典反。

抑諺曰蕞爾國

蕞小

貌。蕞在最反

而三世執其政柄其用物也宏矣其取精也多

矣

林其用權勢則甚宏大其致精爽則甚衆多

其族又大所馮厚矣

杜良霄魂魄所

馮者貴重

而彊死能為鬼不亦宜乎

傳言子產之博敏

○子皮之族

飲酒無度

相尚以奢相困以酒

故馬師氏與子皮氏有惡

杜馬師氏公孫

祖之子罕叔也襄三十年馬師頡出奔公孫祖代之為馬師與子皮俱同一族

齊師還自燕之

月

杜在此年二月

罕朔殺罕魋

杜魋子皮弟魋徒曰反

罕朔奔晉韓宣子

問其位於子產

杜問朔可使在何位

子產曰君之羈臣

林謂罕朔出奔乃晉

君羈旅之臣

苟得容以逃死何位之敢擇卿違從大夫之位

杜謂以禮去者降位一等

罪人以其罪降

杜罪重則降多

古之制也朔於敝

邑亞大夫也其官馬師也

杜大夫位馬師職

獲戾而逃唯執政

所寘之得免其死為惠大矣又敢求位宣子為子產之

敏也使從嬖大夫

杜嬖大夫下大夫也罕朔本亞大夫今從下大夫但降一等不以罪降

為子于偽反

○秋八月衛襄公卒晉大夫言於范獻子曰衛

事晉為睦

杜睦和也

晉不禮焉庇其賊人而取其地

杜賊人孫林父

其地戚也林謂襄二十六年晉疆戚田取懿
氏邑六十以與林父。庇必利反又音秘
故諸侯貳

詩曰鵙鵙在原兄弟急難

杜詩小雅鵙鵙鵙鵙雖梁也飛則鳴行則搖喻兄弟相救於急

難不可有舍。鵙精亦反鵙力丁反難如字又乃旦反

又曰死喪之威兄弟孔懷

杜威畏也言有死喪則兄弟宜相懷思

兄弟之不睦於是乎不弔

杜不相弔恤

况遠人誰敢歸之今又不禮於衛之嗣

嗣新君也

衛必叛我

是絕諸侯也獻子以告韓宣子宣子說使獻子如衛弔

且反戚田

傳言戚田所由還衛。說音悅

衛齊惡告喪于周且請命王

使成簡公如衛弔

杜簡公王卿士也

且追命襄公曰叔父陟恪

在我先王之左右以佐事上帝

杜陟登也恪敬也帝天也叔父謂襄公命如今

之哀策。

余敢忘高國亞圉

二國周之先也為殷諸侯亦受殷王追命者

○

九月公至自楚孟僖子病不能相禮

杜不能相禮答邾勞以此為己病。

相息亮反

乃講學之

杜講習也

苟能禮者從之及其將死也

杜二十四

年孟僖子卒傳終言之

召其大夫

杜僖子屬大夫

曰禮人之幹也無禮無

以立

林人之有禮如木之有幹人無禮無以立其身木無幹無以立其形

吾聞將有達者

曰孔丘

杜僖子卒時孔丘年三十五

聖人之後也

杜聖人殷湯

而滅於宋

孔子六代祖孔父嘉為宋督所殺其子奔魯

其祖弗父何以有宋而授厲公

杜弗父何孔父嘉之高祖宋閔公之及正考父林弗父何之曾

子厲公之兄何適嗣當立以讓厲公
孫孔父嘉
佐戴武宣杜三人皆宋君
三命茲益共杜三命上卿也言位高益

共
故其鼎銘云杜考父廟之鼎
一命而僂再命而偃三命而俯

杜僂共於偃偃共於僂
。僂力主反偃紆羽反
循牆而走杜言不敢妄行
亦莫余敢侮

杜其共如是亦
不敢侮慢之
饘於是鬻於是杜於是鼎中為饘鬻饘鬻

餽屬言至儉。饘之然反鬻之
六反孫炎云淖廉也餽音胡
其共也如是臧孫紇有

言杜紇武仲也
曰聖人有明德者若不當世其後必有達人

杜聖人之後有明德而不當大位謂正考父
今其將在孔丘乎我若獲沒杜得

以壽終必屬說與何忌於夫子使事之

杜說南宮敬叔何忌孟懿子皆僖子

之子林夫子謂仲尼。屬音燭

而學禮焉以定其位

杜知禮則位安

故孟懿子

與南宮敬叔師事仲尼仲尼曰能補過者君子也詩曰

君子是則是效

杜詩小雅

孟僖子可則效已矣

杜孟僖子能補過合此詩

則效之義

○單獻公棄親用羈

杜獻公周卿士單靖公之子頃公之孫羈寄客也。○單音

善冬十月辛酉襄頃之族殺獻公而立成公

杜襄公頃公之父成

公獻公弟。頃音傾

○十一月季武子卒晉侯謂伯瑕

杜伯瑕士文伯曰

吾所問日食從矣可常乎

杜衛侯武子皆卒故林言我此年四月所問日食災福皆

順從子之言可
常必不差否

對曰不可六物不同

林歲時日月星辰各異其時

民

心不壹

杜政教殊

事序不類

杜有變易

官職不則

治官居職非一法

同始

異終胡可常也詩曰或燕燕居息或憔悴事國

杜詩小雅林燕

燕安閑貌言同為王臣或安閑而居息或憔悴以從國事。惟在遙反詩作盡瘁

其異終也如

是公曰何謂六物對曰歲時日月星辰是謂也公曰多

語寡人辰而莫同何謂辰

林言詳以告我凡謂之辰如北辰大辰之類其義莫同何

者謂之辰。語魚據反

對曰日月之會是謂辰

杜一歲日月十二會所會謂之辰

故以配日

謂以子丑配甲乙

○衛襄公夫人姜氏無子

杜姜氏宣姜

嬖人嫫始生孟繫孔成子夢康叔謂己立元

杜成子衛卿孔達之

孫烝鉏也元孟繫弟夢時元未生。

嫫

音周又直周反始烏答反繫張立反

余使羈之孫圉

與史苟相之

杜羈烝鉏子苟史朝子。羈居宜反相息亮反下同

史朝亦夢康叔

謂己余將命而子苟與孔烝鉏之曾孫圉相元史朝見

成子告之夢夢協

杜協合也

晉韓宣子為政聘于諸侯之歲

在二年

嫫始生子名之曰元孟繫之足不良弱行

跛也

孔成

子以周易筮之曰元尚享衛國主其社稷

杜令著辭林尚庶幾也言

元庶幾享有衛國能主衛之社稷

遇屯三三

震下坎上屯屯張倫反

又曰余尚立

繫尚克嘉之

林嘉善也庶幾繫能善於元

遇屯三三之比三三

杜坤下坎

上比屯初九爻變。比昆志反

以示史朝史朝曰元亨又何疑焉

杜周易曰

屯元亨。亨許庚反

成子曰非長之謂乎

杜言屯之元亨謂年長非謂名元。長丁丈反

對曰康叔名之可謂長矣

杜善之長也

孟非人也將不列於

宗不可謂長

杜足跛非全人不可列為宗主

且其繇曰利建侯

杜繇卦辭。繇

直又反

嗣吉何建建非嗣也

林嗣子有常位故無所卜又無所建今以位不定卜嗣得

吉則當從吉而建之也

二卦皆云

謂再得屯卦皆有建侯之文

子其建之康叔

命之二卦告之筮襲於夢武王所用也弗從何為

杜外傳云

大誓曰朕夢協朕卜襲於休祥戎商必克此武王辭

弱足者居

跛則偏弱居其家不能行

侯主

社稷臨祭祀奉民人事鬼神從會朝又焉得居各以所

利不亦可乎

孟跛利居元吉利建。焉於虔反

故孔成子立靈公十二

月癸亥葬衛襄公

杜靈公元也



左傳杜林合注卷三十六

欽定四庫全書

經部

左傳杜林合注卷

三十七至
四十一

詳校官監察御史_臣祝德麟

給事中_臣溫常綬覆勘

總校官編修_臣王燕緒

校對官中書_臣牛綏文

謄錄監生_臣趙寅

欽定四庫全書

左傳杜林合注卷三十七

明

王道焜

趙如源 同編

昭公四

經八年春陳侯之弟招殺陳世子偃師

以首惡從殺例故稱弟又

稱世子。

招常違反。夏四月辛丑陳侯溺卒

杜襄二十七年大夫盟于宋林哀公

卒是年滅陳十三年楚平王復封陳惠公吳立

○叔弓如晉○楚人執陳行人

于徵師殺之

稱行人明非行人罪。于古舟反

○陳公子留出奔鄭

留為

昭所立未成君而出奔

○秋蒐于紅

杜華車千乘不言大者經文關也紅魯地沛國蕭縣西有

紅亭遠疑林書蒐始此蒐狩不書必違禮而後書於是舍中軍四分公室季氏擇一二子各一皆盡征之而貢於公蒐于紅地自根牟至于商衛華車千乘皆三家之師也自是以屢蒐三家所以釋武焉爾是故桓莊之狩必言公昭定之蒐不言公矣。蒐所求反紅戶東反

○陳人殺其大夫公子過

與招

共殺偃師書名罪之。過古禾反

○大雩

無傳不早而秋雩過也

○冬十月壬午

楚師滅陳

杜不稱將帥不以告壬午月十八日

執陳公子招放之于越

無傳

復稱公子

殺陳孔魚

無傳招之黨楚殺之。與呼亂反

○葬陳哀公

人

袁克葬之魯往會故書

傳八年春石言于晉魏榆

林晉魏邑之榆地有石忽作人言

晉侯問於

師曠曰石何故言對曰石不能言或馮焉

杜謂有精神馮依石而言

馮皮水反

不然民聽濫也

林濫失也謂石本不言民聽之失妄為言也

抑臣又

聞之

抑疑辭

曰作事不時

林興作土木之事妨害民時

怨讟動于民則

有非言之物而言

林乖氣致異時則有不能言之物而作人言。讟徒木反

今宮室

崇侈民力彫盡

杜彫傷也

怨讟竝作莫保其性

性命也民不敢自保其性

石言不亦宜乎於是晉侯方築虎祈之宮

杜虎祈地名在絳西

四十里臨汾水。鹿音斯

叔向曰子野之言君子哉

杜子野師曠字

君子之

言信而有徵故怨遠于其身

杜怨答遠其身也。遠于萬反。

小人之言

僭而無徵故怨咎及之詩曰哀哉不能言匪舌是出唯

躬是瘁

杜詩小雅也不能言謂不知言理以嘗言見退者其言非不從舌出以僭而無知自取瘁病故

哀之。僭子念反出如字又尺遂反

哿矣能言巧言如流俾躬處休其是

之謂乎

杜哿嘉也巧言如流謂非正言而順敎以聽言見答者言其可嘉以信而有徵自取安遠師曠

此言緣問流轉終歸于諫故以比巧言如流也當叔向時詩義如此故與今說詩者小異。哿古可反毛詩傳

云可也

是宮也成諸侯必叛君必有咎夫子知之矣

謂十年晉

侯彪卒傳

○陳哀公元妃鄭姬生悼太子偃師

杜元妃嫡夫人也

二

妃生公子留下妃生公子勝二妃嬖留有寵屬諸司徒

招與公子過

杜招及過皆哀公弟也。屬音燭。

哀公有廢疾三月甲申

公子招公子過殺悼太子偃師而立公子留。夏四月

辛亥哀公縊

杜憂患自縊經書辛丑從赴。縊一豉反。

子徵師赴于我

于徵師陳

大且告有立君公子勝愬之于楚

杜以招過殺偃師告愬也。

楚人執

而殺之

殺于徵師

公子留奔鄭書曰陳侯之弟招殺陳世子

偃師罪在招也

林言招有專殺之非。

楚人執陳行人于徵師殺之

罪不在行人也

疑為招赴楚當同罪故重殺之。

叔弓如晉賀虎祁也

賀宮成

游吉相鄭伯以如晉亦賀虎祁也史趙見子大叔

曰甚哉其相蒙也

杜蒙欺也林言鄭伯來賀宮成實甚相欺。相鄭息亮反

可弔也

而又賀之

杜窮土木興怨謗是可弔也

子大叔曰若何弔也其非唯

我賀將天下實賀

杜言諸侯畏晉非獨鄭

○秋大蒐于紅自根牟

至于商衛革車千乘

杜大蒐數軍實簡車馬也根牟魯東界卿鄉陽都縣有牟鄉商宋地魯

西竟衛宋衛也言千乘明大蒐且見魯衆之大數也。乘繩證反

○七月甲戌齊子尾

卒子旗欲治其室

杜子旗藥施也使并治子尾之室政

丁丑殺梁嬰

梁嬰子尾

家
牽 八月庚戌遂子成子工子車

杜三子齊大夫子尾之屬子成頃公子固也子

工成之弟鑄也子車頃公之孫捷也

皆來奔

杜不書非卿

而立子良氏之宰

杜子

良子尾之子高疆也

其臣曰

杜子尾之家臣

孺子長矣

杜孺子謂子良

子旗為子良立宰

○長丁

而相吾室欲兼我也

杜兼拜也

授甲將攻之陳桓子

善於子尾亦授甲將助之

林陳桓子亦授甲於其家之徒衆將助于尾氏以攻子旗

或告子旗子旗不信則數人告將往又數人告於道子

旗不信或人之言則數人接續來告子旗將往子尾

氏之家又數人接續告變於道路。數色主反下同

遂

如陳氏桓子將出矣聞之而還

杜聞子旗至

游服而逆之

杜去

戎備著常

請命

杜問桓子所至

對曰聞疆氏授甲將攻子子聞

諸林彊氏即高彊子

曰弗聞子盍亦授甲無字請從林

子許謂子旗子何不亦授甲我請從子攻彊氏

子旗曰

子胡然彼孺子也吾誨之猶懼其不濟吾又寵秩之謂

之立

其若先人何

林先人謂子尾子雅先世相好今若相攻何以見其先人

子盍謂

之杜謂之使無攻我

周書曰惠不惠茂不茂

杜周書康誥也言當施惠於不惠者

勸勉於不勉者茂勉也

康叔所以服宏大也

杜服行也

桓子稽顙曰頃

靈福子

林頃公靈公欒氏所事之君言其降福於子。稽音啓

吾猶有望

杜望子旗惠及

遂和之如初

杜和欒高二家

○陳公子招歸罪於公子過而

殺之

杜言招所以不死而得放

○九月楚公子棄疾帥師奉孫吳圍

陳

杜孫吳憚太子偃師之子惠公

宋戴惡會之

戴惡宋大夫

冬十一月壬午

滅陳

壬午十月十八日傳言十一月誤

與嬖袁克殺馬毀玉以葬

與袁克

克嬖人之貴者殺以非禮原葬袁公

楚人將殺之請寘之

林袁克請置馬玉不用

既

又請私

林既置馬玉袁克又請私盡君臣恩

私於幄加經於顙而逃

杜幄帳也

逃不欲為楚臣。偃於角反經直結反

使穿封成為陳公

杜戌楚大夫滅陳為縣使戌為

縣公。戌音恤曰城麋之役不諂

杜城麋役在襄二十六年戌與靈王爭皇顙。麋九倫反

諂救反侍飲酒於王王曰城麋之役女知寡人之及此女

其辟寡人乎

杜及此謂為王女音汝下同

對曰若知君之及此臣必

致死禮以息楚

杜息寧靜也林言若蚤知靈王篡位為君我必為却殺盡臣禮致死以殺君以寧

息楚國之禍

晉侯問於史趙曰陳其遂亡乎對曰未也公曰

何故對曰陳顓頊之族也

陳祖舜舜出顓頊

歲在鶉火

林歲歲星也鶉

火南方柳星午位。鶉市春反

是以卒滅陳將如之

杜顓頊氏以歲在鶉火而滅火盛而

水滅林陳顓頊之後將如顓頊之數

今在析木之津猶將復由

杜箕斗之間有天漢

故謂之析木之津由用也林今歲星在寅位故陳猶將復用

且陳氏得政于齊而後

陳卒亡

杜物莫能兩戚林齊陳氏乃陳敬仲之後

自幕至于瞽瞍無違命

幕舜

之先聲。瞽舜父從蕃至瞽瞍間。無違天命。廢絕者。瞽素口反。舜重之以明德。實德於

遂。遂舜後。蓋殷之興存舜之後而封。遂言舜德乃至於遂。重直用反。遂世守之。及胡公

不淫。故周賜之姓。使祀虞帝。

杜胡公滿遂之後也。事周武王。賜姓曰媯。封諸陳。紹

舜後臣聞盛德必百世祀。虞之世祀未也。繼守將在齊。林

舜至今未及百世之數。繼陳以守舜之祀者必將在齊。

其兆既存矣。

言陳氏與盛於齊形兆已見。

經。戊辰。九年春。叔弓會楚子于陳。

杜以事往。非行會。禮林於是。叔弓及宋華亥鄭

游吉衛趙廩會楚子于陳。諸夏之大夫旅見於楚。於是始舉魯以見其餘也。

○許遷于夷。許

鄭欲遷故以。

○夏四月。陳災。

天火曰災。陳既已滅。降為楚縣。而書陳災者。猶晉之

梁山沙鹿崩不書晉哭害繫於所哭所害故以所在為名

○秋仲孫矍如齊。矍居

轉反

○冬築郎圃

林圃苑也築苑于郎也

傳九年春叔弓宋華亥鄭游吉衛趙廩會楚子于陳

楚子

在陳故四國大夫往非盟主所名不行會神故不總書。廩於滅反

○二月庚申楚公子

棄疾遷許于夷賓城父

此時改城父為夷故傳實之城父縣屬譙郡

取州來

淮北之田以益之

益許田

伍舉授許男田然丹遷城父人

於陳

林伍舉奉新國之土地圖籍以授之許男然升即右尹子華楚以城父之地遷許又遷城父人于陳

故以夷濮西田益之

以夷田在濮水西者遷方城外人也與城父人。濮音卜

於許

杜成十五年許遷於葉因謂之許今許遷於夷故以方域外人實其處傳言靈王使民不要

○

周甘人與晉閻嘉爭閻田

杜甘人甘大夫襄也閻嘉晉閻縣大夫。閻以廉反晉

梁丙張趯率陰戎伐潁

杜陰戎陸渾之戎潁潁邑。趙他歷反

王使詹桓

伯辭於晉

杜辭責讓之桓伯周大夫

曰我自夏以后稷魏駘芮岐畢

吾西土也

杜在夏世以后稷功受此五國為西土之長駘在始平武功縣所治釐城岐在扶風美陽

縣西北。駘他來反依字應作邵芮如銳反

及武王克商蒲姑商奄吾東土

也

林二國在東方杜樂安傳昌縣北有蒲姑城。蒲如字一音薄奄於檢反

巴濮楚鄧吾南

土也

林四國在南

肅慎燕亳吾北土也

林三國在北方杜肅慎北夷在玄菟北三

千餘里。燕於賢反毫步各反

吾何通封之有

杜通近也林我周封疆外薄四海何近之有

文武成康之建母弟以蕃屏周亦其廢隊是為

為後世廢隊兄

弟之國當救濟之。蕃方元反屏必井反隊直類反為于偽反

豈如弁髦而因以敝之

林童子弁髦始冠必以弁黃縵布冠也故謂之弁髦既三加冠成禮而棄其始冠縵布之冠永不復用故言因

以敝之。弁皮

先王居櫛于四裔以禦螭魅

言櫛机畧舉四

山之一下言四裔則三苗在其中。螭救知反

故允姓之姦居于瓜州

杜允姓陰戎之

祖與三苗俱放三危者瓜州今敦煌

伯父惠公歸自秦而誘以來

杜傳十五年晉

惠公自秦歸二十三年秦晉遷陸渾之戎於伊川

使偪我諸姬入我郊甸

林邑外為

郊外為甸言戎取周郊甸之地

則戎焉取之

林若非惠公誘戎則戎安得取周之地。焉於

虞反又

戎有中國誰之咎也

杜咎在晉

后稷封殖天下今戎

制之不亦難乎

杜后稷修封疆殖五穀今戎得之唯以畜牧。殖時力反

伯父圖之

我在伯父猶衣服之有冠冕木水之有本原民人之有

謀主也

杜民人謀主宗族之師長林衣服必有冠冕然後貴重木水必有本原然後久長民人必有宗

族師長然後親疎長幼各得其序

伯父若裂冠毀冕拔本塞原專棄謀

主雖戎狄其何有余一人

杜伯父猶然則雖戎狄無所可責晉率陰戎伐周邑故云

然林余一人周王自稱也

叔向謂宣子曰文之伯也豈能改物

杜言文公

雖霸未能改正朔易服色。伯如字又音霸。

翼戴天子而加之以共杜翼佐也自

文以來世有衰德而暴滅宗周杜宗周天子以宣示其侈諸

侯之貳不亦宜乎且王辭直子其圖之宣子說王有姻

喪

杜外親之喪。說音悅。

使趙成如周弔且致閭田與禚杜趙城中軍佐

林禚送死衣。禚音遂。

反潁倂王亦使賓滑執甘大夫襄以說於

晉晉人禮而歸之

賓滑周大夫。倂芳夫反。滑乎八反。說如字又音悅。○夏四月

陳災鄭裨竈曰五年陳將復封封五十二年而遂亡子

產問其故對曰陳水屬也

杜陳顓頊之後故為水屬。火水妃也火畏水故

謂之妃。妃芳
非反一音配

而楚所相也

相治也。楚之先祝融為高
辛氏火正治火事。相

息亮

今火出而火陳

杜火心星也。火出於周為五月而
以四月出者以長歷推前年誤置

閏

逐楚而建陳也

水得妃而興陳興則楚
衰故曰逐楚而建陳

妃以五成故

曰五年

妃合也。五行各相妃合得五而成故五歲而陳
復封為十三年陳侯吳歸于陳傳。妃音配

歲五及鷄火而後陳卒亡楚克有之天之道也故曰五

十二年

杜是歲歲在星紀五歲及大梁而陳復封自大
梁四歲而及鷄火後四周四十八歲凡五及鷄

火五十二年天數以五為
紀故五及鷄火火盛水衰

○晉荀盈如齊逆女

杜自
為逆還

六月卒于戲陽

杜魏郡內黃縣北有
戲陽城。戲許宜反

殯于絳未葬晉侯

飲酒樂膳宰屠蒯趨入請佐公使尊

杜公之使人執尊酌酒請為之佐。

樂音洛蒯苦怪反

使如字又所吏反

許之

杜公許之

而遂酌以飲工

林工樂師師曠也屠

蒯酌酒飲之以示罰

○飲於鵠反下同

曰女為君耳將司聰也

樂所以聰耳○女音

汝下皆同

辰在子卯謂之疾日

杜疾日謂紂以甲子喪桀以乙卯日亡故國君以為忌日

君徹宴樂學人舍業

林學人謂習樂之人○舍音捨

為疾故也君之卿

佐是謂股肱股肱或虧

林荀孟死喪如股肱虧損為于偽反下為是同

何痛

如之

杜言痛疾過於忌日

女弗聞而樂是不聰也

杜不聞是義而作樂

又飲

外嬖嬖叔

杜外都大夫之嬖者

曰女為君目將司明也

杜職在外故主視

服以旌禮

林衣服精麗所以旌表吉凶之禮

禮以行事

林禮節輕重所以推行政令之

事

事有其物

林物類也奉承其事各從其類如弁冕為吉衰麻為凶之類

物有其容

林容貌也服從其物各動其容

今君之容非其物也

杜

如弁冕執敬衰麻執哀之類

而女不見是不明也亦自飲也曰味

以行氣氣以實志

林滋味調和所以食人行其氣血氣血平和所以悅人實其志慮

志

以定言

在心為志發口為言

言以出令臣實司味二御失官而君

弗命臣之罪也

杜工與嬖叔侍御君者失官不聰明

公說徹酒初公欲廢

知氏而立其外嬖為是悛而止

林知氏即荀氏。說音悅知音智悛亡全反

秋八月使荀躒佐下軍以說焉

杜躒荀盈之子知文子也佐下軍代父也說自

解說。躒力伏反徐音洛

○孟僖子如齊殷聘禮也

杜自叔老聘齊至今二十年禮

意久曠今修盛聘以無忘舊好故曰禮

○冬築郎囿書時也季平子欲其

速成也叔孫昭子曰詩曰經始勿亟庶民子來

杜詩大雅言文

王始經營靈臺非急疾之衆民自以子義來勸樂為之○亟紀力反

焉用速成其以勸民

也

杜勸勞也○焉於虔反勸初交反又予小反

無囿猶可無民其可乎

經

己

十年春王正月○夏齊樂施來奔

考酒好內以取敗亡故書名

○秋七月季孫意如叔弓仲孫矍帥師伐莒

杜三大夫皆卿故書

之季孫為主二子從之林舍中軍矣曷為書三卿帥師四分公室叔弓為意如伐也內取邑悉書也於是取鄭不書取邑不足詳也由是定六年取鄭匡不書哀元年取晉蒲棘不書

○戊子晉侯彪卒

杜五同盟林平公卒子昭公夷立。彪彼糾反。○九月叔孫婼如晉葬晉平公

三月

而葬。○十有二月甲子宋公成卒

杜十一同盟也無冬史闕文林平公卒子

元公佐立。成音城。

傳十年春王正月有星出于婺女

杜客星也不書非字。婺武付反

鄭

裨竈言于子產曰七月戊子晉君將死今茲歲在顓頊

之虛

歲歲星也顓頊之虛謂玄枹。裨婢支反虛起魚反

姜氏任氏實守其地

姜齊

姓任薛姓齊薛二國守
玄枵之地。任音壬

居其維首而有妖星焉告邑姜

也林客星居玄枵之維首客星出非其地故曰妖星邑
姜齊大公女晉唐叔之母星占藝女為既嫁之女織

女為處女邑姜齊之既嫁女妖星
在藝女齊得歲故知禍歸邑姜邑姜晉之妣也天以

七紀

二十八宿四七

戊子逢公以登星斯於是乎出

林逢公殷諸侯居齊

地者會以戊子日卒登卒也逢公未死之先妖星出
藝女時非歲星所在故齊自當禍而以戊子日卒吾

是以譏之

杜為晉侯
彪卒傳

○齊惠轅高氏皆耆酒

杜轅高二族皆出惠

公信內多怨

杜說婦人
言故多怨

彊於陳鮑氏而惡之

杜惡陳鮑
○惡烏路

反

夏有告陳桓子曰子旗

林即欒施子
雅之子也

子良

林即高彊
子尾之子

也 將攻陳鮑亦告鮑氏桓子授甲而如鮑氏遭子良醉

而騁

杜欵及子良醉故驅告鮑文子。騁敕應反。

遂見文子

杜文子鮑國

則亦授

甲矣使視二子

杜二子子旗子良

則皆將飲酒桓子曰彼雖不

信

杜彼傳言者

聞我授甲則必逐我及其飲酒也先伐諸陳

鮑方睦遂伐欒高氏子良曰先得公陳鮑焉往

林高彊欵先得

公以自輔助陳鮑夫公其將安往言必敗也。馬於處反下馬歸同。

遂伐虎門

杜欵入公不聽故伐

公門林寢門書虎故曰虎門

晏平仲端委立于虎門之外

杜端委朝服

四

族召之無所往

杜四族欒高陳鮑

其徒曰助陳鮑乎曰何善焉

杜言無善義可助

助藥高乎曰庸愈乎

杜罪惡不
差於陳鮑

然則歸乎曰

君伐焉歸公召之而後入公卜使王黑以靈姑鉞率吉

請斷三尺焉而用之

杜王黑齊大夫靈姑鉞公旗名斷
三尺不敢與君同。鉞扶眉反又

音平率所律反徐
所類反斷丁管反

五月庚辰戰于稷

杜稷祀后稷之處
稷地名六國時

齊有稷
下館

藥高敗又敗諸莊

莊六執
之道

國人追之

杜國人助
公追藥高

之又敗諸鹿門

鹿門齊
城門

藥施高彊來奔

高彊不
書非卿

陳鮑分

其室晏子謂桓子必致諸公讓德之主也讓之謂懿德

凡有血氣皆有爭心故利不可強

杜不可強取
強其丈反

思義為

愈義利之本也

杜見利思義乃為愈勝行義則有自然之利是利之本也

蘊利生孽

蘊蓄也孽妖害也。蘊紆粉反孽魚列反

姑使無蘊乎可以滋長桓子盡致

諸公而請老于莒

杜莒齊邑。長丁丈反

桓子召子山

子山子商子周襄三

十一年子尾所逐羣公子

私具幄幕器用從者之衣屨

杜私具不告公。幄於角

反從才用反

而反棘焉

杜棘子山故邑齊國西安縣東有于里亭

子商亦如之而

反其邑子周亦如之而與之夫子

杜子周本無邑故更與之濟南於陵縣西

北有于亭

反子城子公公孫捷

三子八年子旗所逐

而皆益其祿凡公

子公孫之無祿者私分之邑

杜桓子以邑分之

國之貧約孤寡

者私與之粟曰詩云陳錫載周能施也

杜詩大雅言文王能布陳大利

以賜天下行之周徧。載如字詩作哉施始豉反

桓公是以霸

杜齊桓公亦能施以致霸公

與桓子莒之旁邑辭

杜讓不受

穆孟姬為之請高唐陳氏始

大

杜穆孟姬景公母傳言陳氏所以興。為于偽反

○秋七月平子伐莒取鄭

林平子即季孫意如鄭莒邑取鄭不書公見討平丘諱之。鄭古杏反

獻俘始用人於亳

社

杜以人祭殷社林堯社殷社魯有殷社所謂兩社是也。俘芳夫反

臧武仲在齊聞之

曰周公其不享魯祭乎周公享義魯無義

林周公之所散享者義也

魯殺人以祭是為無義

詩曰德音孔昭視民不佻

杜詩小雅佻佻也言明德君子

必愛民林言君子德聲孔著昭明
視民如傷不敢偷薄。能他彫反
佻之謂甚矣而壹用

之將誰祠哉

杜壹同也同人於畜牲

○戊子晉平公卒

如禘寗之言

鄭

伯如晉及河晉人辭之游吉遂如晉

杜禮諸侯不相平故辭

九月

叔孫婁齊國弱宋華定衛北宮喜鄭罕虎許人曹人莒

人邾人滕人薛人杞人小邾人如晉葬平公也

經不書諸侯大

夫者非

鄭子皮將以幣行

杜見新君之贊

子產曰喪焉用幣用

幣必百兩

杜載幣用車百乘。馬於度反

百兩必千人千人至將不行

杜百乘之車必以千人致之以千人而致百乘之車將以喪故不得見新君而用之杜行用也不行必

盡用之

杜不得見新君將自費用盡千

幾千人而國不亡

杜言千人之貴不可數林

言小國能當幾千人之貴而不滅亡哉。幾居豈反

子皮固請以行既葬諸侯之

大夫欲因見新君叔孫昭子曰非禮也

林言固喪而見非禮

弗聽

叔向辭之曰大夫之事畢矣

杜送葬禮畢

而又命孤

林孤頃公自稱

孤斬馬在衰經之中

既葬未卒哭故猶服新衰。衰七帶反。經直結反。

其以嘉

服見則喪禮未畢其以喪服見是重受弔也大夫將若

之何皆無辭以見子皮盡用其幣歸謂子羽曰非知之

實難將在行之

言不患不知患不能行。見賢通反。重直用反。

夫子知之矣我

則不足

言己由于產之戒既知其不可而遂行之是我之不足

書曰欲敗度縱敗

禮

杜逸書林舉商書大甲篇欲心不防必致敗壞其法度縱心不禁必至敗壞其禮制。敗必違反下同

我之謂矣夫子知度與禮矣我實縱欲而不能自克也

欲自喪以慶新君故昭子至自晉大夫皆見高彊見而縱而行之不能自勝

退

杜高彊子良

昭子語諸大夫曰為人子不可不慎也哉昔

慶封亡

林慶封亡在襄二十八年。語無據反

子尾多受邑而稍致諸君

君以為忠而甚寵之將死疾于公宮

在公宮被疾

輦而歸君

親推之

推其車而送之推如字又他同反

其子不能任是以在此忠為

令德其子弗能任罪猶及之難不慎也

杜以見為人子難以不謹慎。

任音壬下同

喪夫人之力棄德曠宗以及其身不亦害乎

杜夫

人謂子尾曠空也。喪息浪反夫音扶

詩曰不自我先不自我後其是之

謂乎

杜詩小雅言禍亂不在他正當己身以喻高彊身自取此禍

○冬十二月宋平

公卒初元公惡寺人柳欲殺之

元公平公太子佐也。惡烏路反

及喪

柳熾炭于位

杜以濕地。熾尺志反

將至則去之

林去炭火使公坐其處

比

葬又有寵

杜言元公好惡無常。比必利反

經年十有一年春王二月叔弓如宋葬宋平公。夏四

月丁巳楚子虔誘蔡侯般殺之于申

蔡侯雖弑父而立楚子誘而殺之刑

其羣士蔡大夫深怨故以楚子名告。處其遠及般音班

楚公子棄疾帥師圍蔡○

五月甲申夫人歸氏薨

昭公母胡女歸姓

○大蒐于比蒲

比音昆

○仲孫繻會邾子盟于禚祥

禚祥地闕。禚子鵠反徐七林反

○秋季

孫意如會晉韓起齊國弱宋華亥衛北宮佗鄭罕虎曹

人杞人于厥慙

厥慙地闕。佗徒何反慙魚靳反徐五市反

○九月己亥葬

我小君齊歸

杜齊註

○冬十有一月丁酉楚師滅蔡執蔡

世子有以歸用之

用之殺以祭山

傳十一年春王二月叔弓如宋葬平公也

杜萊以聘事行故傳具之

○景王問於萇弘曰今茲諸侯何實吉何實凶

萇弘周大夫

萇直對曰蔡凶此蔡侯般弑其君之歲也歲在承韋

杜萊

三十年蔡世子般弑其君歲在承韋至今十三歲歲復在承韋般即靈侯也

弗過此矣

言蔡凶不

過此楚將有之然壘也

蔡近楚故知楚將有之楚無德而享大利所以壘積其惡○壘

於勇歲及大梁蔡復楚凶天之道也

杜楚靈王弑立之歲歲在大梁到昭

十三年歲復在大梁美惡周必復故知楚凶林此天道循環不窮之理

楚子在申召蔡靈

侯靈侯將往蔡大夫曰王貪而無信唯蔡於感

杜蔡近楚之大

國故楚常恨其不服順。感戶暗反。今幣重而言甘誘我也不如無往蔡

侯不可三月丙申楚子伏甲而享蔡侯於申醉而執之

夏四月丁巳殺之刑其士七十人公于棄疾帥師圍蔡

杜傳言楚子無道

韓宣子問于叔向曰楚其克乎對曰克哉蔡

侯獲罪於其君

杜謂弑父而立

而不能其民

杜不能施德

天將假手

於楚以斃之

杜傳楚手以討蔡。斃婢世反

何故不克然胥聞之不信以

幸不可再也

林以詐不信僥倖而成不可再就

楚王奉孫吳以討於

陳曰將定而國陳人聽命而遂縣之

林遂滅陳國以為楚縣杜事在八年

今又誘蔡而殺其君以圖其國雖幸而克必受其咎弗

能久矣桀克有緒以喪其國紂克東夷而隕其身

杜紂為黎

之蒐東夷叛之桀為仍之會有諸叛之故伐而克之。將武中反喪息浪反下同

楚小位下而

亟暴於二王

林楚國小於夏殷而位卑於桀紂而數行暴虐甚于桀紂二王。亟欺冀反

能

無咎乎天之假助不善非祚之也厚其凶惡而降之罰

也且譬之如天其有五材而將用之力盡而敝之是以

無極不可沒振

杜金木水火土五者為物用久則必有敝盡盡則棄捐故言無極極猶救助也

不可沒振猶沒不可復振林以喻楚靈王力盡自敝無復救助沒而不可復振也。祚在路反振之慎反

○

五月齊歸薨大蒐于比蒲非禮也

林君有母喪國不廢蒐故曰非禮

○

孟僖子會邾莊公盟于祊祥修好禮也

蒐非存亡之由故臨喪不宜為

之盟會以安社稷故喪盟謂之禮。好呼報反

泉丘人有女薨以其帷幕孟氏

之廟

杜泉丘魯地

遂奔僖子其僚從之

邾女為僚友者隨而奔僖子

盟于

清丘之社曰有子無相棄也

杜二女自共

僖子使助蘧氏之

造

造副倅也蘧氏之女為僖子副妻別居在外故僖子納泉丘人女令副坐之。遠為彼反造初又反

自祊祥宿于蘧氏生懿子及南宮敬叔於泉丘人其僚

無子使字敬叔

杜字養也似雙生

○楚師在蔡

向四月之師

晉荀吳

謂韓宣子曰不能救陳又不能救蔡物以無親

林物事也事

無所親附

晉之不能亦可知也已為盟主而不恤亡國將焉

用之秋會于厥慙謀救蔡也

不書救蔡不果救。焉於虔反

鄭子皮將

行子產曰行不遠不能救蔡也蔡小而不順楚大而不

德天將棄蔡以壅楚盟而罰之

林言此行必不能遠到雖欲救蔡將不能也蔡

小國也而弑逆不順楚大國也而疆暴不德天將棄絕蔡國而以壅滿楚惡罪惡盈滿而降之罰

蔡必

亡矣且喪君而能守者鮮矣三年王其有咎乎美惡周

必復

林周歲星一周十二年也。鮮息淺反

王惡周矣

元年楚子弑君而立歲在大梁後三

年十三歲歲星周復于大梁

晉人使狐父請蔡于楚弗許狐父晉大夫○

單子會韓宣子于戚

杜單子單成公

視下言徐

林其視遇下愴惻然其言太徐

奄奄然

叔向曰單子其將死乎朝有著定

杜著定期內列班之地謂之表

著。著似住反徐治居反

會有表

杜野會穀表以為位

衣有禮帶有結

杜禮領會結帶

結也。禮古郊反

說文云帶所結也

會朝之言必聞于表著之位所以昭

事序也視不過結禮之中所以道容貌也

林凡會朝之言語其聲溫

屬適中必達於表著之位不過於徐所以昭明行事之次序也會朝之瞻視不過於衣禮帶結之中不過於下

所以道達容貌之恭敬也。道音導下同

言以命之容貌以明之失則有廢

林言語足以命之母失其和容貌足以明
之母失其敬失言失貌則於事有所廢闕
今單子為王

官伯杜伯長也而命事于會視不登帶言不過步貌不道容

而言不昭矣林視不登于大帶之上過下也言不過於踐步之外大徐也是貌不足以道恭敬之

容而言不足以昭不從貌正曰共言順曰從無守氣

矣林神氣不守其体矣為此年冬單子卒起本。九月葬齊歸公不感晉士

之送葬者歸以語史趙史趙曰必為魯郊言昭公必出在郊野不得

有國。語侍者曰何故曰歸姓也林姓生也言昭公歸氏所生不思

親祖不歸也杜言不思親則不為祖考所歸祐叔向曰魯公室其卑乎

君有大喪國不廢蒐

杜謂蒐比蒲

有三年之喪而無一日之

感國不恤喪不忌君也

杜忌畏也

君無感容不顧親也國不

忌君君不顧親能無卑乎殆其失國

林國不畏君不忠也君不念親不孝

也忠孝俱失卑弱之漸也為二十五年公孫於齊傳

○冬十一月楚子滅蔡用隱

大子于岡山

杜蔡靈公之大子蔡侯廬之父

申無字曰不祥五牲不相

為用况用諸侯乎

杜五牲牛羊犬豕鷄林不相為用如祭馬先不用馬之類。為于偽反或

如字王必悔之

悔為暴虐

○十二月單成公卒

終叔向之言

○楚子

城陳蔡不羹

杜陳蔡皆為楚縣不羹有二一在襄城東南一在定陵西北皆楚要地楚靈王始為

城○羹音耶
漢書作更字

使棄疾為蔡公

林楚諸縣尹
皆稱公也

王問於申無

宇曰棄疾在蔡何如對曰擇子莫如父擇臣莫如君鄭

莊公城櫟而寘子元焉使昭公不立

杜子元鄭公子莊
公寘子元於櫟桓

十五年厲公因之以殺櫟大夫擅伯遂居
櫟卒使昭公不安位而見殺○櫟力狄反

齊桓公城穀

而寘管仲焉至于今賴之

杜城穀在莊
三十二年

臣聞五大不在

邊五細不在庭

杜上古金木水火土謂之五官玄鳥氏
丹鳥氏亦有五又有五鳩鳩民五雉為

五工正蓋立官之本也末世隨事施職是以官無常數
今無字稱習故言故云五大也言五官之長專盛過節

則不可居邊細弱不
勝任亦不可居朝廷

親不在外羈不在內

林親用之人
不使久居於

外羈旅之人不使久居於內

今棄疾在外鄭丹在內

林棄疾親也而居外為蔡公然

升羈也居內為右尹杜棄十九年丹奔楚

君其少戒王曰國有大城何如對

曰鄭京櫟實殺曼伯

曼伯檀伯也厲公得櫟又并京。曼音萬

宋蕭亳實殺

子游

杜在莊十二年

齊渠丘實殺無知

杜在莊九年渠丘今齊國西安縣也齊大夫壘

康衛蒲戚實出獻公

杜蒲甯殖邑戚孫林父邑出獻公在襄十四年

若由是觀

之則害於國

林都城過大必為國之害

末大必折

杜折其本

尾大不掉君

所知也

為十三年陳蔡作亂傳。棹徒弔反

左傳杜林合注卷三十七

欽定四庫全書

左傳杜林合注卷三十八 明 王道焜

趙如源 同編

昭公五

經

辛未

十有二年春齊高偃帥師納北燕伯于陽

杜三年燕伯出

奔齊高偃高偃玄孫齊人入陽即於燕別邑中出有唐縣不官于燕未得國都林於是齊景公有志於復霸

○三月壬申鄭伯嘉卒

林五同盟杜簡公卒子定公寧立

○夏宋公使

華定來聘

定華叔孫

○公如晉至河乃復

晉人以莒故辭公

○五月

葬鄭簡公

三月而葬速

○楚殺其大夫成熊

杜傳在葬簡公

上經從赴熊音雄

○秋七月。冬十月公子慙出奔齊

書各謀亂故也

○慙魚覲反一讀為整

○楚子伐徐

杜不書圍以乾谿師告

○晉伐鮮虞

杜不

書將帥史闕文林狄晉也晉主諸夏之盟春秋狄奉以故也狄鄭亦以晉故則其狄晉何晉之君卿無中國之志也於是楚方橫行中原而晉獨從事於伐鮮虞雖吳入郢於越入吳晉猶圍鮮虞也於是狄晉以其無復中國之志也

傳十二年春齊高偃納北燕伯款于唐因其衆也

言因唐衆

欲納之故得先入唐

○三月鄭簡公卒將為葬除

杜除葬道為于偽反

○及

游氏之廟

游氏子大叔族

將毀焉子大叔使其除徒執用以立

而無庸毀

杜用毀廟具

曰子產過女而問何故不毀乃曰不

忍廟也諾將毀矣

杜教毀廟者之辭。女音汝

既如是子產乃使辟

之

林除徒既如大叔之教子產不忍毀其廟乃使違道避之

司墓之室有當道者

公

別營葬地不在鄭先公舊墓故道有臨時可迂直也司墓之室鄭之掌公墓大夫徒屬家

毀之則朝

而墮

杜墮下棺林道直故早朝而下棺。朝如字。墮比鄭反徐兩贈反禮家作窆彼驗反義同

弗毀

則日中而墮

林道迂故日中而下棺

子大叔請毀之曰無若諸侯

之賓何

杜不欲久留賓

子產曰諸侯之賓能來會吾喪豈憚日

中無損於賓而民不害

林少待片時於賓客無所損不毀墓室於民人必有所益

吾

何故不為遂弗毀日中而葬君子謂子產於是乎知禮

林以不毀游氏之廟及司墓之室為知禮禮無毀人以自成也。○夏宋華定

來聘通嗣君也

宋元公新即位

享之為賦蓼蕭弗知又不答賦

杜蓼蕭詩小雅義取燕笑語今是以有譽廣合樂於華定燕語也又曰既見君子為龍為光欲以寵光賓也又

曰宜兄宜弟令德壽凱言賓有令德可以壽樂也又曰和鸞雍雍萬福攸同言欲與賓同福祿也。○為子偽反

蓼音六

昭子曰必亡宴語之不懷寵光之不宣令德之不

知同福之不受將何以在

林苜章有燕語之義而華定不能懷恩二章有寵光之義

而華定不能宣揚三章有令德之義而華定不能知識
四章有同福之義而華定不能享受將何以從在其位
為二十年華
定出奔傅
○齊侯衛侯鄭伯如晉朝嗣君也杜晉昭公新位

○公如晉

亦欲朝嗣君

至河乃復取郟之役

在十年

莒人愬于

晉晉有平公之喪未之治也故辭公公子慙遂如晉

杜魯

大夫如晉不書還不復命而奔故史不書於策

○晉侯享諸侯子產相鄭伯辭

於享請免喪而後聽命

杜簡公未葬相息亮反下同

晉人許之禮也

杜善晉不奪孝子之情

晉侯以齊侯宴中行穆子相

杜穆子荀吳

投壺

晉侯先

林晉侯為盟主故先舉矢

穆子曰有酒如淮有肉如坻

杜淮水名

坻山名林詩云宛在水中坻是坻乃
水中高地也。坻直疑反徐直夷反寡君中此為諸侯

師中之齊侯舉矢曰有酒如澠有肉如陵杜澠水出齊國臨淄縣北

八時水陵大阜也。中
丁仲反下同澠音蠅寡人中此與君代興杜代史也亦中

之伯瑕謂穆子杜伯瑕士文伯日子失辭吾固師諸侯矣壺何

為焉林何假技壺以為輕重其以中雋也杜言技壺中不足為雋異齊君弱吾

君歸弗來矣林齊君欲與晉君代興是輕晉君以為弱也齊君既歸必叛晉矣穆子曰

吾軍帥彊禦卒乘競勸林言我三軍諸師彊盛禦止步卒車乘競強勸勉。師所類反

卒子忽反
乘繩證反今猶古也齊將何事晉德不良於古齊不事晉將無所事公孫

使趨進曰日旰君勤可以出矣以齊侯出

使齊大夫傳言晉之衷。

使素口反徐所流反旰古旦反

○楚子謂成虎若敖之餘也遂殺之

杜成

虎今尹子玉之孫與鬬氏同出於若敖宣四年鬬椒作亂今楚子信譖而託討若敖之餘

或譖成虎

於楚子成虎知之而不能行

林成虎知或人之譖已而不能見幾去以避禍書

曰楚殺其大夫成虎懷寵也

林言其懷思寵祿也解經所以書名

○六月

葬鄭簡公

傳終子產辭享明既葬則為免喪經書五月誤

○晉荀吳偽會齊師

者假道於鮮虞遂入昔陽

林偽若將以師與齊師會者杜鮮虞白狄別種在中山新

市縣昔陽肥國都樂平沽縣東有昔陽城

秋八月壬午滅肥以肥子鯨臯歸

杜肥白狄也。縣西南有肥累城為下晉代解虞起。

○周原伯綏虐

其與臣使曹逃

原伯綏周大夫原公也。與求也曹羣也。綏古弗反。

冬十月壬申

朔原與人逐綏而立公子跪尋

跪尋綏弟。跪求妻反。又音跪。

綏奔郊

郊周地

甘簡公無子立其弟過

甘簡公周卿士。過古禾反下同。

過將去

成景之族

成公景公皆過之先君

成景之族賂劉獻公

杜欒使殺劉獻公

亦周卿士

丙申殺甘悼公

悼公即過

而立成公之孫鮒

杜鮒平公

音秋

丁酉殺獻天子之傅庾皮之子過

過劉獻公太子之傅

殺瑕

辛于市及宮嬖綽王孫沒劉州鳩陰忌老陽子

杜六子周大夫

及庚過皆甘悼公之黨傳言
周襄原甘二族所以遂微

○季平子立

林立在七年

而不

禮於南蒯

蒯南遺之子季孫費邑宰。蒯苦怪反

南蒯謂子仲

杜子仲公子慤吾

出季氏而歸其室於公

杜室季氏家財

子更其位

杜更代也。更音庚

我

以費為公臣子仲許之南蒯語叔仲穆子且告之故

林穆

子叔仲帶之子叔仲小也語以欲出季氏以不見禮故。語魚據反

季悼子之卒也叔孫

昭子以再命為卿

悼子季武子之子平子父也傳言叔孫之見命乃在平子為卿之前及

平子伐莒克之更受三命

杜十年平子伐莒以功加三命昭子不伐莒亦以例加為

三命叔仲子欲搆二家

杜欲搆使相憎

謂平子曰三命踰父兄非

禮也

杜言昭子受三命自踰其先人

平子曰然故使昭子

杜使昭子自貶黜昭

子曰叔孫氏有家禍殺適立庶故姑也及此

林豎牛禍叔孫氏在

四年。適丁歷反。

若因禍以斃之則聞命矣

言因亂討已不敢辭

若不廢

君命則固有著矣

杜著位次

昭子朝而命吏曰姑將與季氏

訟書辭無頗

杜頗偏也林言我將與季氏子訟曲直于朝書辭無敢偏頗。頗曾何反

季孫

懼而歸罪於叔仲子

林以三命踰父兄出於叔仲小欲歸罪於小以自解說

故叔

仲小南蒯公子慙謀季氏慙告公而遂從公如晉

林在今在

夏杜慙子仲

南蒯懼不克以費叛如齊子仲還及衛聞亂逃

介而先

林介副使子仲逃其副先歸

及郊聞費叛遂奔齊

言及郊解經所以書

出

南蒯之將叛也其鄉人或知之過之而歎

杜鄉人過蒯而歎

且言曰恤恤乎湫乎攸手

杜恤恤憂患湫愁隘攸懸危之貌。湫子小反又在酒反一音

秋攸如字徐以帚反

深思而淺謀適身而遠志家臣而君圖

杜家臣而

圖人君之事故言思深而謀淺身近而志遠。思息嗣反

有人矣哉

言今有此人微以感之

南

蒯救筮之

不指其事汎卜吉凶

遇坤三三

坤上坤下坤

之比三三

杜坤下坎

上比坤六五爻變。比毗志反

曰黃裳元吉

坤六五爻辭

以為大吉也示子

服惠伯曰即欲有事何如惠伯曰吾嘗學此矣忠信之

事則可不然必敗外疆內溫忠也

杜坎險故強坤順故溫強而能溫所以為

忠和以率貞信也

杜水和而土安正和正信之本也

故曰黃裳元吉黃

中之色也裳下之飾也元善之長也中不忠不得其色

言非黃長丁丈反

下不共不得其飾

不為裳

事不善不得其極

失中

德外內倡和為忠

杜不相違也。倡昌亮反和戶卧反

率事以信為共

率猶

行供養三德為善

三德謂正直剛克柔克也。供九用反養餘克反

非此三者

弗當

杜非忠信善不當此卦。當如字或了浪反

且夫易不可以占險將何

事也且可飾乎

杜夫易猶此易謂黃裳元吉之卦問其何事欲令從下之飾林易道正大故險

○事不可以占
○夫音扶

中美能黃上美為元下美則裳

林心居中故其美者

能為黃色元道居上故其美者為體元之義足居下故其美者為平裳之服

參成可筮

參美也備

吉可如筮○參七南反又音三

猶有闕也筮雖吉未也

杜有闕謂不參成

將適

費飲鄉人酒

南荊自其家還適費○飲於鵠反

鄉人或歌之曰我有圃

生之杞乎

杜言南荊在費欲為亂如杞生於圃圃非宜也杞世所謂枸杞也

從我者子

乎

杜子男子之通稱言從已可不失今之尊

去我者鄙乎倍其鄰者恥乎

杜

猶親也林去我必至為人之所鄙薄倍叛其親必有恥辱之事

已乎已乎非吾黨之士

手

杜已乎已乎言自遂不改

平子欲使昭子逐叔仲小

林蓋叔仲小構二家故季

平子欲使昭子
逐之以自解說

小聞之不敢朝昭子命吏謂小待政於

朝曰吾不為怨府

杜言不能為季氏逐小生怨禍之聚為明年叔弓圍費傳

○楚子

狩于州來

杜狩冬獵也狩手又反

次于潁尾

杜潁水之尾在下蔡西

使蕩侯

潘子司馬督蹕尹午陵尹喜帥師圍徐以懼吳

杜五子楚大夫

○孫吳與國故國之以偏吳
○置五刀反徐許驕反

楚子次于乾谿

在蕪國城父縣南

以

為之援

杜以為五大夫之援

雨雪王皮冠秦復陶

秦所遺羽衣也雨于付反復

音服一音福
陶徒刀反

翠被

以翠羽飾被

豹舄

杜以豹皮為履○為音昔

執鞭以出

○執鞭以教令
○鞭必繇反

僕析父從

杜楚大夫從才用反

右尹子革夕

杜子革鄭

丹夕與見王見之去冠被舍鞭。杜敬大臣舍音捨與之語曰昔我先

王熊繹。杜楚始封君繹音亦與呂伋。子齊大公之王孫牟。子衛康叔

變父。晉康叔之子。雙素禽父。周公子伯禽並事康王。康王成王

子四國皆有分我獨無有。杜四國齊魯衛分珍寶之器。分扶問反下同今

吾使人於周求鼎以為分。林禹鑄九鼎三代傳之以為有國之寶今求此九鼎以為

楚之分器王其與我乎對曰與君王哉昔我先王熊繹辟在

荆山。杜在新城亦縣南。辟匹亦反筭路藍縷。林路車也以柴為車衣服藍縷。筭音必

以處草莽跋涉山林以事天子唯是挑弧棘矢以共禦

王事

北桃弧棘矢以禦不祥言燕在山林少所土產。其音恭。

齊王舅也

成王母齊大公女

晉及魯衛王母弟也楚是以無分而彼皆有今周與四

國服事君王將唯命是從豈其愛鬻王曰昔我皇祖伯

父昆吾舊許是宅

陸終氏生六子長曰昆吾少曰季連季連楚之祖故謂昆吾為伯父昆吾

嘗居許地故曰舊許是宅

今鄭人貪賴其田而不我與

林此時舊許之地屬鄭故

云我若求之其與我手對曰與君王哉周不愛鬻鄭敢

愛田王曰昔諸侯遠我而畏晉今我大城陳蔡不羹賦

皆千乘子與有勞焉諸侯其畏我手對曰畏君王哉是

四國者專足畏也

杜四國陳蔡二不美。遠于萬反。美音郎。乘繩證反。與音預。

又加

之以楚敢不畏君王哉。工尹路請曰：「君王命剝圭以為

鍼秘。

杜鍼斧也。秘柄也。破圭玉以飾斧柄。○萬邦角反。鍼音鍼。秘音秘。

敢請命。

杜請制度之命。

王八視之，析父謂子革：「吾子，楚國之望也。今與王言如

響國，其若之何？」

杜識其順王心，如響應聲。

子革曰：「摩厲以須，王出，吾

刃將斬矣。」

杜以已喻鋒刃欲自摩厲以斬王之淫惡。

王出，復語左史倚相趨

過。

杜倚相楚史名。倚於綺反。徐其綺反。相息亮反。

王曰：「是良史也。子善視之。」

是能讀三墳五典八索九丘。

杜皆古書名。林三墳，即伏羲神農黃帝之書也。五典

即少昊顓頊高辛唐堯虞舜之書八卦之說謂之八索九州之志謂之九丘。墳扶云反索所自反本又作素

對曰臣嘗問焉昔穆王欲肆其心杜周穆王肆極也周行天下

將皆必有車轍馬跡焉杜周徧也穆王乘八駿馬造父為御徧行天下欲車馬轍跡無

所不徧祭公謀父作祈招之詩以正王心杜謀父周卿士祈父周司馬世

掌甲兵之職招其名祭公方諫遊行故指司馬王是以官而言此詩遠。祭側界反招常遙反又音招

獲沒于祗宮林穆王聞誅而止是以得善終於祗宮免於篡弑。祗音支又音祁臣問其

詩而不知也若問遠焉其焉能知之林言閭穆王近事且不知若問三墳

五典之遠事倚相又安能該通其義。其焉於反王曰子能乎對曰能其詩曰

祈招之惓惓式昭德音

杜惓惓安和貌式用也昭明也林言祈父掌甲兵惓惓然安和

不用用能昭明王之德聲

思我王度式如玉式如金

杜金

玉取其堅重

形民之力而無醉飽之心

林言國之用民當隨其力任如金冶之器

隨器而制形故言形民之力去其醉飽過盈之心蓋是時穆王遠游過用民力宴飲無度故其詩如此

揖而入饋不食寢不寐數日

深感子革之言。饋其位反數所主反

不能

自克以及於難

杜克勝也。難乃旦反

仲尼曰古也有志克己復

禮仁也信善哉楚靈王若能如是豈其辱于乾谿

林明年楚

果反

○晉伐鮮虞因肥之役也

肥役在此年

經

申

十有三年春叔弓帥師圍費

杜不書南蒯以費叛不以告廟林費魯邑

內不言叛言圍皆叛也。費音秘。

○夏四月楚公子比自晉歸于楚弑

其君虔于乾谿

杜比去晉而不送書歸者依陳蔡以入言陳蔡猶列國也比歸而靈王死故書

弑其君靈王無道而弑稱臣比非首謀而反書弑比雖脅立猶以罪加也靈王死在五月又不在乾谿楚人生

失靈王故本其始禍以赴之。靈王弑比立棄疾弑比代立是為平王。○谿苦兮反。

楚公子棄疾

殺公子比

比雖為君而未列於諸侯故不稱爵殺不稱人罪棄疾

○秋公會劉子

晉侯齊侯宋公衛侯鄭伯曹伯莒子邾子滕子薛伯杞

伯小邾子于平丘

杜平丘在陳留長垣縣西南林晉復合諸侯也晉合諸侯由是止鄆陵之

後參盟復作八月甲戌同盟于平丘杜書同齊復故林書同盟劉子與盟

也公不與盟魯不堪晉求讎惡弘多公不與盟非國惡故不諱。與音預晉人執季

孫意如以歸。公至自會無傳。蔡侯廬歸于蔡陳侯吳

歸于陳杜陳蔡皆受封于楚故稱爵諸侯納之曰歸林於是楚平王封陳蔡而復之隱大子之子廬歸

于蔡悼大子之子吳歸于陳則其書曰陳侯蔡侯何不于楚專封也歸辭有三突歸于鄭蔡公子之辭也蔡季

自陳歸于楚宜得國公子之辭也衛侯鄭歸于衛嘗失國之君之辭也此未嘗有國也使之如失國辭然者不

與楚專封也。廬音廬又力居反。冬十月葬蔡靈公蔡復而後以君禮葬之。

公如晉至河乃復晉人辭去。吳滅州來州來楚邑用大師焉曰滅

傳十三年春叔弓圍費弗克敗焉

林為費人所敗不書諱之

平子怒

令見費人執之以為囚俘冶區夫曰非也

林區夫魯大夫言平子執

費人非策。俘芳夫反治音也區烏侯反又丘牛反

若見費人寒者衣之飢者食

之為之令主而共其乏困費來如歸南氏亡矣民將叛

之誰與居邑若憚之以威懼之以怒民疾而叛為之聚

也若諸侯皆然費人無歸不親南氏將焉入矣

林若臨之以威

武侯之畏憚塵之以忿怒使之畏懼費邑之人莫不疾惡而怨叛是為南蒯結聚其衆也設若諸侯皆如我之所為費人窮困無所依歸雖欲不與南氏相親密將安所入以庇其身。衣於既反食音嗣其音恭為于偽反

馬於平子從之費人叛南氏費叛南氏在明年傳善度反區夫之謀終言其效○

楚子之為令尹也殺大司馬遂掩而取其室在襄三十八年○遂千

委反掩於檢反及即位奪遂居田居掩之族言遷許而質許圍

遷許在九年圍許大夫○質音致蔡洧有寵於王林洧蔡人仕楚者○洧于軌反王之

滅蔡也其父死焉楚滅蔡在十一年洧仕楚其父在國故死王使與於守而

行杜使洧守國王行至乾谿○與音預守手又反申之會越大夫戮焉杜申會

王奪鬬韋龜中犢杜韋龜令尹子文玄孫中犢邑名○犢尺州反又奪成然邑

而使為郊尹成然韋龜子郊尹治郊竟大夫蔓成然故事蔡公林蔓成然即成

然杜蔡公棄疾也故猶舊也韋龜以棄疾有當璧之命故使成然事之。蔓去聲故遂氏之族

及遂居許園蔡消蔓成然皆王所不禮也因羣喪職之

族

林因楚之羣大夫失職而怨主者。喪息浪反。

啟越大夫常壽過作亂

常壽過中

會所戮者。過古禾反。

圍固城克息舟城而居之

杜息舟楚邑城之堅固者觀

起之死也其子從在蔡事朝吳

觀起死在襄二十二年朝吳故蔡大夫聲子之

子。從如字朝如字。

曰今不封蔡蔡不封矣我請試之

觀從以父死怨楚故

欲試作亂

以蔡公之命召子干子皙

二子皆靈王弟元年子干奔晉子皙奔鄭。皙

星歷反

及郊而告之情

杜告以蔡公不知謀

強與之盟入襲蔡蔡公

將食見之而逃

杜不知其故驚起
群之。強其夫反

觀從使子于食坎用

牲加書而速行

杜使子于居蔡公之林食蔡公之
食並偽與蔡公盟之微驗以示衆

已徇

於蔡

已觀從也。已
音紀徇似俊反

曰蔡公召二子將納之與之盟而

遣之矣將師而從之

杜詐言蔡公將
以師助二子

蔡人聚將執之

林將

執觀從以
為妖言

辭曰失賊成軍而殺余何益乃釋之

杜賊謂
子于子

指也言蔡公已成
軍殺已不解罪

朝吳曰二三子若能死亡則如違之

以待所濟

杜言若能為靈王死亡則可
違蔡公之命以待成敗如何

若求安定則如

與之以濟所欲

杜言與蔡公
則可得安定

且違上何適而可

杜言不
可違上

也上謂

衆曰與之乃奉蔡公召二子而盟于鄧

杜預川召陵縣

西南有鄧城二子子干子皙

依陳蔡人以國

林封陳蔡之國而依倚之

楚公子比

子公子黑肱

子公子棄疾

蔡公

蔓成然蔡朝吳帥陳蔡不

羹許葉之師因四族之徒

四族遠氏許圍蔡有蔓成然。羹音郎葉始涉反

以

入楚

林時靈王在乾縣故棄虛以入楚

及郊陳蔡欲為名故請為武軍

杜欲築壘壁以示後人為復讐之名

蔡公知之曰欲速

杜言欲速入楚

且役病矣

請藩而已乃藩為軍

杜藩籬也。藩方元反

蔡公使須務牟與史

裨先入因正僕人殺大子祿及公子罷敵

杜須務牟史裨楚大夫蔡

公之黨也正僕大子之近官林祿罷敵皆靈王之子。
牟亡侯反裨皮皆反徐扶蟹反又扶移反罷音皮徐甫

綺反又蒲賈反

公子比為王公子黑肱為令尹次于魚陂杜竟

城西北有甘魚陂。陂彼宜反

公子棄疾為司馬先除王宮使觀從從

師于乾谿而遂告之

杜從乾谿之師告使叛靈王

且曰先歸復所後

者剿

林先歸國者各安其所後歸者坐以截鼻之刑。剿魚器反

師及訾梁而潰杜靈

王還至訾梁而衆散。訾子斯反潰尹內反

王聞羣公子之死也自殺於車

下曰人之愛其子也亦如余乎侍者曰甚焉小人老而

無子知櫛子溝壑矣

杜櫛隊也林言小人若身已老而無子思死而墜填溝壑可知。櫛

子細反

王曰余殺人子多矣能無及此乎右尹子革曰請

待于郊以聽國人

杜聽國人之所與

王曰衆怒不可犯也曰若

入於大都而乞師於諸侯王曰皆叛矣

林言大都如陳蔡不美許葉之

屬皆同叛矣

曰若亡於諸侯以聽大國之圖君也王曰大福

不再祇取辱焉然丹乃歸于楚

杜然丹子革棄王而歸楚

王公夏將

欲入鄢

杜夏漢別名順流為公順漢水南至鄢以全反夏戶雅反鄢於建反又于晚反

芋尹

無字之子申亥曰吾父再奸王命

杜謂斷王旌執人於章華宮。芋子付反

徐音羽奸音子

王弗誅患孰大焉君不可忍患不可棄五其從

王乃求王遇諸棘闈以歸

棘里名闈門也

夏五月癸亥王縊于

畢尹申亥氏

杜癸亥五月二十六日皆在乙卯而辰後傳終言之經書四月誤

申亥以

其二女殉而葬之觀從謂子干曰不殺棄疾雖得國猶

受禍也

林以棄疾有當璧之命子干必受其禍。殉以後反

子干曰余不忍也

自言

因棄疾得楚不忍殺之

子玉曰人將忍子

杜子玉觀從林人謂棄疾將忍於殺汝

吾

不忍俟也乃行國每夜駭曰王入矣

杜相恐以靈王也

乙卯夜

棄疾使周走而呼曰王至矣

杜周徧也乙卯十八日。呼好故反下同

國人

大驚使蔓成然走告子子子哲

林蔓成然棄疾黨故使走告二子

曰王

至矣國人殺君司馬將來矣

杜司馬謂棄疾也言司馬見殺以恐子干君若

早自圖也可以無辱衆怒如水火焉不可為謀

林衆怒難犯如

水火之狂言不可更為他謀

又有呼而走至者曰衆至矣二子皆自

殺

不書裁君位未定也

丙辰棄疾即位名曰熊居葬子干于訾實

訾教

不成君無號謚者楚皆謂之教。熊音雄

殺囚衣之王服而流諸漢乃

取而葬之以靖國人

林取囚詐以為靈王而葬之以安靖楚國之人。衣於既反使

子旗為令尹

杜子旗音其

楚師還自徐

前年圍徐之師吳人敗

諸豫章獲其五帥

定二年楚人伐吳師于豫章而潛師于巢以軍楚師於

豫章又栢舉之徒吳人舍舟于淮汭而自豫章與楚夾漢此皆當在江北淮水南蓋後徙在江南豫章。即所

類反謂蕩侯潘子司馬督爵尹午陵尹喜五人平王封陳蔡復遷邑林立陳惠公吳于陳

蔡平公廬于蔡復其故國陳蔡已滅故言封九年遷許于夷遷城父人於陳遠方城外人於許至是皆復其舊

致羣賂杜始舉事時所賂音路施舍寬民林施思惠舍通責以寬民力宥罪

舉職杜舉職修廢官。宥音又召觀從王曰唯爾所欲觀從教子干殺棄疾今召

用之明在君為君之義對曰臣之先佐開卜乃使為卜尹佐卜人開龜兆

使枝如子躬聘于鄭林枝如子躬楚大夫且教驪櫟之田驪櫟本鄭邑楚

中取之平王新立故還以賂鄭。櫟力狄反事畢弗致知鄭自說服不復須賂故鄭人請

曰聞諸道路將命寡君以轡櫟敢請命對曰臣未聞命

既復王聞轡櫟降服而對

降服如今解冠也謝連命

曰臣過失命未

之致也王執其手曰子毋勤

林謂子躬毋自勤辱。毋音無

姑歸不穀

有事其告子也

王善其有權有事將復使之

他年茅尹申亥以王柩

告乃改葬之初靈王卜曰余尚得天下

杜尚庶幾。拒其久反

不

吉投龜詬天而呼曰是區區者而不余畀

杜區區小天。詬呼豆

反徐許后反

余必自取之民患王之無厭也故從亂如歸

林

樂於從亂如歸家然。厭於鹽反

初共王無冢適

冢大也。共音恭適丁歷反

有寵

子五人無適立焉

杜欽立為大子不知適從

乃大有事于羣望

杜羣望星

辰山

而祈曰請神擇子五人者使主社稷乃禘以璧見

於羣望曰當璧而拜者神所立也誰敢違之既乃與已

姬密埋璧於大室之庭

杜已姬共王妻大室祖廟。見賢通反已必加反大音泰。使

五人齋而長入拜

杜從長初以次拜。側皆反長丁丈反下同。

康王跨之

杜過

其上也。路苦化反。

靈王肘加馬子子子皆皆遠之平王弱抱而

入再拜皆厭紐

杜微見璧紐以為審識。肘中九反遠于萬反厭於甲反徐於輒反紐女九反

鬬韋龜屬成然焉

杜如其將立故託其子。鬬音燭。

且曰棄禮

林棄五長之禮

於神違命

林違當璧之命謂五康王

楚其危哉

終致靈王之亂

子干歸韓宣

子聞於叔向曰子干其濟乎對曰雖宣子曰同惡相求

如市賈馬何難

杜宣子謂棄疾親侍子干其同好惡故言如市賈屬利以相求。賈者古對

曰無與同好誰與同惡

杜言棄疾本不與子干同好則亦不得同惡

取國有

五難有寵而無人一也

杜寵須賢人而國

有人而無主二也

杜

有賢人當須內主為應

有主而無謀三也

林雖有內主而無策謀可成

有謀而

無民四也

杜雖有謀策而無民人歸附

有民而無德五也

四者既備當以德成

子干在晉十三年矣

林元年奔晉至此十三年

晉楚之從不聞達者

可謂無人

杜晉英之士從子干游皆非達人

族盡親叛可謂無主

杜無親族

楚在無憂而動可謂無謀

杜召子干時楚未有大憂。案許新反

為羈終世

可謂無民

杜終身羈客在晉是無民

亡無愛徵可謂無德

杜楚人無愛念之者

王虐而不忘

靈王暴虐無所長忌將自亡

楚君子干涉五難以弑舊

君誰能濟之

杜言楚借君子干以弑靈王終無能成

有楚國者其棄疾乎

君陳蔡城外屬焉

杜城方城也時穿封成既死棄疾并領陳事

苛慝不作盜

賊伏隱

林上不為虐惡之政以傷民民不為盜賊之行以奸上。苛音何慝他得反

私欲不

違

不以私欲違民事

民無怨心先神命之

先神謂羣望

國民信之

姓有亂必季實立楚之常也

林楚芊姓季少子也。芊彌爾反。

獲神一

也

當璧拜

有民二也

民信之

令德三也

無苛隱

寵貴四也

貴妃子

居常五也

杜棄疾季

有五利以去五難誰能害之子干之宮

則右尹也數其貴寵則庶子也

林右尹宮卑庶子寵卑。去起呂反。數所主反。

以神所命則又遠之其貴亡矣

杜位不尊。遠千萬反。亡音無。又如字。

其

寵棄矣

文既沒故

民無懷焉

杜非合德

國無與焉

杜無內主

將何以立

宣子曰齊桓晉文不亦是乎

杜皆庶賤

對曰齊桓衛姬之子

也有寵於僖

衛姬齊僖公妻

有鮑叔牙賓須無隰朋以為輔佐

有莒衛以為外主

杜預出奔莒衛有舊氏之助

有國高以為內主

杜預

氏高氏從善如流

善言其疾也

下善齊肅

杜預嚴也肅敬也下退嫁反齊側

皆上卿不藏賄

杜預賄賄呼罪反

不從欲

杜預從子周反

施舍不倦

按施舍猶

言布恩德

求善不厭是以有國不亦宜乎我先君文公孤季

姬之子也有寵於猷好學而不貳

杜預言萬志。厥於

生

十七年有士五人

杜預猷趙襄顯顯魏武子司空毒子五士從出

有先大夫子

餘子犯以為腹心

杜預餘趙襄子犯猷

有魏犇賈佗以為股肱

杜預犇魏武子也稱五人而說四士賈佗

有齊宋秦楚

以為外主

齊姜以女宋贈以馬楚王母之秦伯納之

有樂卻狐先以為內主

杜謂樂枝卻狐狐先於也。樂惠官反卻去逆反

亡十九年守志彌篤惠懷棄

民言惠公懷公不恤民也

民從而與之獻無異親民無異望

林獻公之

子九人惟文公在是無異親惠懷不恤其民民歸文公故無異望

天方相晉將何以代

文林天方助晉成其霸業將有何君可以代文公者。相惠亮反

此二君者異於子干

共有寵子國有與主

杜謂棄疾也。共音恭

無施於民無援於外

去晉而不送歸楚而不逆何以冀國

杜傳言子干所以蒙執君之名棄疾

所以得國。施式鼓反

○晉成虎祁

在八年。虎音斯

諸侯朝而歸者皆

有貳心

賤其者也

為取郕故

杜取郕在十年。為于偽反郕工番反

晉將以諸

侯來討叔向曰諸侯不可以不示威

人知晉德薄欲以威服之

乃並

徵會告于吳秋晉侯會吳子于良

林下邳有良城縣

水道不可

杜水道不通不可為會

吳子辭乃還

辭不

七月丙寅治兵于邾南

甲車四千乘

三十萬人。乘繩譌反下同

羊舌鮒攝司馬

杜鮒叔向弟也攝兼

官也。鮒音附

遂合諸侯于平丘子產子大叔相鄭伯以會子

產以幄幕九張行

杜幄幕軍旅之帳林四合象官室曰幄在上曰幕。幄於角反幕音莫

子大叔以四十既而悔之每舍損焉

林一宿為舍每遇宿舍減損其數

及會亦如之

杜亦九張也傳言子產之適宜大叔之從善

次于衛地叔鮒求

貨於衛淫芻蕘者

林飼牲曰芻草薪曰蕘淫芻蕘之人欲使衛患之而致貨○芻初俱反

莠如

迺反衛人使屠伯饋叔向羹與一簋錦

杜屠伯衛大夫屠音徒備其

位反篋苦協反

曰諸侯事晉未敢攜貳况衛在君之字下

杜厘字之

下喻

而敢有異志芻蕘者異於他日敢請之

杜請止之叔向

受羹反錦

杜受羹示不逆其意且非貨

曰晉有羊舌鮒者賣貨無

厭

杜賣數也○賣徒水反厭於鹽反

亦將及矣

杜將及禍為以此役也○後事也為如

字或子

子若以君命賜之其已

林子謂屠伯若以衛君之命以錦賜之其可桀

偽反

止客從之未退而禁之

林客謂屠伯衛客未退而叔紂已禁芻蕘者言其膏貨之甚

晉人將尋盟齊人不可

杜有貳心故

晉侯使叔向告劉獻公

杜獻公王卿士劉子

曰抑齊人不盟若之何對曰盟以底信

底致也

底音旨

君苟有信諸侯不貳何患焉告之以文辭董之以

武師雖齊不許君庸多矣

杜董督也庸功也討之有辭故功多也

天子之

老請帥王賦元戎十乘以先啟行

杜天子大夫稱老元戎戎車在前者啟開

也行道也

遲速唯君

欲佐晉討齊

叔向告于齊曰諸侯求盟已在

此矣今君弗利寡君以為請對曰諸侯討貳則有尋盟

若皆用命何盟之尋

託用命以拒晉

叔向曰國家之敗有事而無

業事則不經

杜業貢賦之業林經常也

有業而無禮經則不序

杜須禮而

有次

有禮而無威序則不共

林禮須威嚴而後共

有威而不昭共

則不明

威須昭告神明而後信義著

不明棄共百事不終所由傾覆

也

信義不明則棄威不威棄禮無禮無經無經無業故百事不成。覆若服反

是故明王之

制使諸侯歲聘以志業

志識也歲聘以修其職業

間朝以講禮

三年而一

朝正班爵之義率長初之序。間間厠之間

再朝而會以示威

六年而一會以訓上下之

則制財再會而盟以顯昭明

杜十二年而一盟所以昭信義也凡八聘四朝再會

用之節

王一巡守盟志業於好講禮於等示威於衆昭明於神

于方嶽之下林志貢賦之業在於交好故使聘講上下之禮在於等列故使朝示可畏之威在於聚衆為會故使會昭盟誓之信義在於要告神明故使盟。好呼報反。自古以來未之或失也存亡之

道恒由是興林守之則安存廢之則危亡常由此起晉禮主盟依先王先公舊禮先

諸侯懼有不治奉承齊犧杜齊盟之犧牲而布諸君求

終事也杜終竟也君曰余必廢之何齊之有杜何齊肅為盟之有唯君

圖之寡君聞命矣齊人懼對曰小國言之大國制之杜小

國言其情大國制其義敢不聽從既聞命矣敬共以往遲速唯君

叔向曰諸侯有間矣

言間隙也

不可以不示衆八月辛未治

兵

習戰

建而不旆

杜建立旌旗不曳其旆旆游也○旆步見反

士申復旆之諸

侯畏之

軍將戰則旆故曳旆以恐之○復扶又反

邾人莒人愬于晉曰魯朝

夕伐我幾亡矣

自昭公即位邾魯同好又不朝夕伐莒無故怨愬晉人信之所謂讒慝弘多

我之不共魯故之以

杜不共晉貢以魯故也○共音恭

晉侯不見公使

叔向來辭曰諸侯將以甲戌盟寡君知不得事君矣請

君無勤

杜託謙辭以絕魯

子服惠伯對曰君信蠻夷之訴

蠻夷謂邾

莒以絕兄弟之國棄周公之後亦唯君寡君聞命矣叔

向曰寡君有甲車四千乘在雖以無道行之必可畏也

況其率道其何敵之有牛雖瘠債於豚上其畏不死

林

仆也豚小猪也以瘠牛仆於小豚之上牛不畏豚之不死亦猶晉不畏魯之亡也。瘠在亦反債方問反

南蒯子仲之憂

林事在前年

其庸可棄乎

杜棄猶忘也

若奉晉之

衆用諸侯之師因邾莒杞鄆之怒

四國近魯數以小事相怨鄆已滅其民猶

存故井以恐魯

以討魯罪問其二憂

因南蒯子仲二憂為問隙

何求

而弗克魯人懼聽命

不敢與盟

甲戌同盟于平丘齊服也

杜經

所以稱同

令諸侯日中造于除

除地為壇盟會處。造亡報反

癸酉退朝

先盟

晉朝子產命外僕速張於除杜外僕掌次舍大夫也子產使之速張帷幕於所除地

子大叔止之使待明日及夕子產聞其未張也使速往

乃無所張矣杜地已滿也傳言子產每事敏於大叔及盟子產爭承承貢賦之

次次曰昔天子班貢輕重以列杜列位也列尊貢重周之制也

杜公侯地應故所貢者多卑而貢重者甸服也甸服謂天子畿內共職貢者鄭伯

男也而使從公侯之貢杜言鄭國在甸服外爵列伯子男不應出公侯之貢懼弗

給也敢以為請諸侯靖兵好以為事杜靖息也行理

之命杜藝無月不至貢之無藝杜藝法制小國有闕所

行理使人通聘問者

以得罪也諸侯修盟存小國也貢獻無極亡可待也存

亡之制將在今矣

林貢賦法輕則小國存貢賦法重則小國亡在今日立法

自日中

以爭至于昏晉人許之既盟子大叔咎之曰諸侯若討

其可潰乎

杜潰易也。咎其九反。

子產曰晉政多門

杜政不出一家

貳偷

之不暇何暇討

杜貳不壹偷苟且

國不競亦陵何國之為

杜不競爭

則為人所侵陵不成為國

公不與盟

信郭莒之訴欲討魯故

晉人執季孫意如

以幕蒙之

杜蒙裏也

使狄人守之司鐸射

魯大夫。鐸待洛反射食亦反食又

夜反懷錦奉壺飲水以蒲伏焉守者御之乃與之錦而入

林冰箭筒可以取飲司鐸射懷錦奉壺飲以冰承之蓋蒲伏竊往飲季孫也。○奉芳勇反蒲步都反伏蒲北反

又音服御魚呂 晉人以平子歸子服湫從杜湫子服惠伯從至晉。

湫子小反徐音 子產歸未至聞子皮卒歿且曰吾已猶決

竟 無為為善矣唯夫子知我杜言子皮知己之善仲尼謂子產於

是行也足以為國基矣詩曰樂只君子邦家之基杜詩小雅

言樂與君子為治 乃國家之基本 子產君子之求樂者也且曰合諸侯

藝貢事林藝極貢賦之事使有定制禮也嫌爭競不順故以禮明之○鮮虞人聞

晉師之悉起也五年傳曰遺守四千以甲車四千乘故為悉起而不警邊且不

修備

言夷狄無謀

晉荀吳自著雍以上軍侵鮮虞及中人驅

衝競

杜中山望都縣西北有中

大獲而歸

為十五年晉伐鮮虞起

○楚之滅蔡也靈王遷許胡沈道房申於荆焉平王即

位既封陳蔡而皆復之禮也

杜滅蔡在十一年許胡沈小國也道房申皆故諸侯

楚滅以為邑荆荆山也傳言平王得安民之禮汝南有吳防縣即防國

隱大子之子廬歸

于蔡禮也

杜隱大子大子有也廬蔡平侯

悼大子之子吳歸于陳禮也

杜悼大子侯師也吳陳惠公

○冬十月葬蔡靈公禮也

杜國復成禮以葬也此陳

蔡事傳皆言禮言楚所封不得比諸侯故明之

○公如晉荀吳謂韓宣子曰諸

侯相朝講舊好也執其卿而朝其君有不好焉

林執季孫意如

而受昭公之朝於和好有不順焉。舊好呼報反。

不如辭之乃使士景伯辭公

于河

景伯士文伯之子彌牟也

○吳滅州來令尹子旗請伐吳王弗

許曰吾未撫民人未事鬼神未修守備未定國家而用

民力敗不可悔州來在吳猶在楚也

林州來之邑雖為吳有可以復取而

有之猶在楚無異也。守手又反。

子姑待之

傳言平王所以能有國

○季孫猶在

晉子服患伯私於中行穆子

杜私與之語

曰魯事晉何以不

如夷之小國魯兄弟也土地猶大所命能具

杜晉之命今尚能供

給 若為夷棄之使事齊楚其何瘳於晉

杜瘳差也。○為干為反下同瘳

勅留反

親親與大賞共罰否所以為盟主也子其圖之諺

曰臣一主二

言臣必有二主道不合得去事他國

吾豈無大國

言非獨晉可事

穆

子告韓宣子且曰楚滅陳蔡不能救而為夷執親將焉

用之乃歸季孫患伯曰寡君未知其罪合諸侯而執其

老

杜老尊卿稱○馬於虔反

若猶有罪死命可也

杜死晉命也

若曰無罪

而患免之諸侯不聞是逃命也何免之為請從君患於

會

杜欲得盟會見遠不欲私去

宣子患之謂叔向曰子能歸季孫乎

對曰不能鮒也能

杜鮒叔魚

乃使叔魚叔魚見季孫曰昔鮒

也得罪於晉君自歸于魯君

杜蓋襄公十一年生叔虎與欒氏黨并得罪

微

武子之賜不至於今

武子季平子祖父

雖獲歸骨於晉猶子則

肉之

杜猶已死枯骨而季氏再生其肉也

敢不盡情歸子而不歸

林言已歸子而

子不肯歸

鮒也聞諸吏將為子除館於西河

杜西使近河

其若之

何且泣

杜泣以信其言

平子懼先歸惠伯待禮

待見遣之禮

左傳杜林合注三十八